
ओं नमः परमात्मने, श्री महागणपतये नमः

श्री गुरुभ्यो नमः

हरिः ओं

कृष्ण यजुर्वेदीय तैत्तिरीय संहिता क्रम पाठः

चतुर्थ काण्डे – तृतीयः प्रश्नः

Version Notes:

This is now the current Version 1.1 dated August 31, 2022

1. This replaces the earlier version 1.0 dated October 31, 2021.
2. Corrections found and reported till August 15, 2022 are updated.
3. Required convention, style and presentation improvements or standardisations has been done wherever applicable.
4. Notify your corrections / suggestions etc to our email id vedavms@gmail.com

Earlier Versions

1st Version Number	0.0 dated October 12, 2018
2nd Version Number	1.0 dated Oct 31, 2021

Table of Contents

4. कृष्ण यजुर्वेदीय तैत्तिरीय संहिता क्रम पाठः	4
4.3 चतुर्थ काण्डे तृतीयः प्रश्नः – चित्तिवर्णनं	4

=====

ओं नमः परमात्मने, श्री महागणपतये नमः

श्री गुरुभ्यो नमः, हरिः ओं

4. कृष्ण यजुर्वेदीय तैत्तिरीय संहिता क्रम पाठः

4.3 चतुर्थ काण्डे तृतीयः प्रश्नः – चित्तिवर्णनं

T.S.4.3.1.1 - Kramam

अ॒पाम् त्वा॑ । त्वे॒मन् । ए॒मन्थ् सा॒दया॑मि । सा॒दया॑म्य॒पाम् । अ॒पाम्
 त्वा॑ । त्वो॒द्मन् । ओ॒द्मन्थ् सा॒दया॑मि । सा॒दया॑म्य॒पाम् । अ॒पाम् त्वा॑ ।
 त्वा॑ भ॒स्मन् । भ॒स्मन्थ् सा॒दया॑मि । सा॒दया॑म्य॒पाम् । अ॒पाम् त्वा॑ ।
 त्वा॑ ज्यो॒तिषि॑ । ज्यो॒तिषि॑ सा॒दया॑मि । सा॒दया॑म्य॒पाम् । अ॒पाम् त्वा॑ ।
 त्वा॑ऽय॒ने । अ॒यने॑ सा॒दया॑मि । सा॒दया॑म्य॒र्णवे॑ । अ॒र्णवे॑ स॒दने॑ । स॒दने॑
 सी॒द । सी॒द स॒मुद्रे॑ । स॒मुद्रे॑ स॒दने॑ । स॒दने॑ सी॒द । सी॒द स॒लिले॑ ।
 स॒लिले॑ स॒दने॑ । स॒दने॑ सी॒द । सी॒दा॒पाम् । अ॒पाम् क्ष॒यै । क्ष॒यै सी॒द ।
 सी॒दा॒पाम् । अ॒पाञ् स॒धिषि॑ । स॒धिषि॑ सी॒द । सी॒दा॒पाम् ।
 अ॒पाम् त्वा॑ । त्वा॑ स॒दने॑ । स॒दने॑ सा॒दया॑मि । सा॒दया॑म्य॒पाम् । अ॒पाम्
 त्वा॑ । त्वा॑ स॒धस्थे॑ । स॒धस्थे॑ सा॒दया॑मि । स॒धस्थ॑ इति॒ स॒ध – स्थे॑ ।
 सा॒दया॑म्य॒पाम् । अ॒पाम् त्वा॑ । त्वा॑ पु॒रीषे॑ । पु॒रीषे॑ सा॒दया॑मि ।

सा॒द॒या॒म्य॒पा॒म् । अ॒पा॒म् त्वा॑ । त्वा॑ यो॒नौ॑ () । यो॒नौ॑ सा॒द॒या॒मि॑ ।
 सा॒द॒या॒म्य॒पा॒म् । अ॒पा॒म् त्वा॑ । त्वा॑ पा॒थ॒सि॑ । पा॒थ॒सि॑ सा॒द॒या॒मि॑ ।
 सा॒द॒या॒मि॑ गा॒य॒त्री॑ । गा॒य॒त्री॑ छ॒न्दः॑ । छ॒न्द॑स्त्रि॒ष्टु॒प् । त्रि॒ष्टु॒प् छ॒न्दः॑ ।
 छ॒न्दो॑ जग॒ती॑ । जग॒ती॑ छ॒न्दः॑ । छ॒न्दो॑ऽनु॒ष्टु॒प् । अ॒नु॒ष्टु॒प् छ॒न्दः॑ ।
 अ॒नु॒ष्टु॒बि॒त्य॒नु॑ – स्तु॒प् । छ॒न्दः॑ प॒ङ्क्तिः॑ । प॒ङ्क्ति॑ ऋ॒छ॒न्दः॑ ।
 छ॒न्द॑ इति॒ छ॒न्दः॑ ॥ 1 (65/67)

(यो॒नौ॑ – पञ्च॑दश च) (A1)

T.S.4.3.2.1 - Kramam

अ॒य॒म् पु॒रः॑ । पु॒रो॑ भु॒वः॑ । भु॒व॒स्त॒स्य॑ । त॒स्य॑ प्रा॒णः॑ । प्रा॒णो॑
 भौ॒वा॒य॒नः॑ । प्रा॒ण इति॑ प्र – अ॒नः॑ । भौ॒वा॒य॒नो॑ व॒स॒न्तः॑ । व॒स॒न्तः॑
 प्रा॒णा॒य॒नः॑ । प्रा॒णा॒य॒नो॑ गा॒य॒त्री॑ । गा॒य॒त्री॑ वा॒स॒न्ती॑ । वा॒स॒न्ती॑ गा॒य॒त्रि॒यै॑ ।
 गा॒य॒त्रि॒यै॑ गा॒य॒त्र॒म् । गा॒य॒त्र॒म् गा॒य॒त्रा॒त् । गा॒य॒त्रा॒दु॒पा॒ञ्शुः॑ ।
 उ॒पा॒ञ्शु॑रु॒पा॒ञ्शोः॑ । उ॒पा॒ञ्शु॑रि॒त्यु॒प – अ॒ञ्शुः॑ । उ॒पा॒ञ्शो॑स्त्रि॒वृ॒त् ।
 उ॒पा॒ञ्शो॑रि॒त्यु॒प – अ॒ञ्शोः॑ । त्रि॒वृ॒त् त्रि॒वृ॒तः॑ । त्रि॒वृ॒दि॒ति॑ त्रि – वृ॒त् ।
 त्रि॒वृ॒तो॑ रथ॒न्त॒र॒म् । त्रि॒वृ॒त इति॑ त्रि – वृ॒तः॑ । रथ॒न्त॒र॒ञ् रथ॒न्त॒रा॒त् ।
 रथ॒न्त॒र॒मि॒ति॑ रथ॒म् – त॒र॒म् । रथ॒न्त॒रा॒द् व॒सि॒ष्ठः॑ ।

रथन्तरादिति रथम् - तरात् । वसिष्ठ ऋषिः । ऋषिः प्रजापतिगृहीतया ।
 प्रजापतिगृहीतया त्वया ॥ प्रजापतिगृहीतयेति प्रजापति - गृहीतया ।
 त्वया प्राणम् । प्राणम् गृह्णामि । प्राणमिति प्र - अनम् ।
 गृह्णामि प्रजाभ्यः । प्रजाभ्योऽयम् । प्रजाभ्य इति प्र - जाभ्यः ।
 अयम् दक्षिणा । दक्षिणा विश्वकर्मा । विश्वकर्मा तस्य । विश्वकर्मेति
 विश्व-कर्मा । तस्य मनः । मनो वैश्वकर्मणम् । वैश्वकर्मणम् ग्रीष्मः ।
 वैश्वकर्मणमिति वैश्व - कर्मणम् । ग्रीष्मो मानसः । मानसस्त्रिष्टुक् ।
 त्रिष्टुग् ग्रैष्मी । ग्रैष्मी त्रिष्टुभः । त्रिष्टुभ ऐडम् । ऐडमैडात् ।
 ऐडादन्तर्यामः । अन्तर्यामोऽन्तर्यामात् । अन्तर्याम इत्यन्तः - यामः ।
 अन्तर्यामात् पञ्चदशः । अन्तर्यामादित्यन्तः - यामात् । पञ्चदशः
 पञ्चदशात् । पञ्चदश इति पञ्च - दशः । पञ्चदशाद् बृहत् ।
 पञ्चदशादिति पञ्च - दशात् । बृहद् बृहतः । बृहतो भरद्वाजः ।
 भरद्वाज ऋषिः । ऋषिः प्रजापतिगृहीतया । प्रजापतिगृहीतया त्वया ॥
 प्रजापतिगृहीतयेति प्रजापति - गृहीतया । त्वया मनः ।
 मनो गृह्णामि । 2 (50/67)

T.S.4.3.2.2 - Kramam

गृ॒ह्णामि॑ प्र॒जाभ्यः॑ । प्र॒जाभ्यो॑ऽयम् । प्र॒जाभ्य॑ इति॑ प्र – जाभ्यः॑ ।
 अ॒यम् प॒श्चात् । प॒श्चाद् वि॒श्वव्य॑चाः । वि॒श्वव्य॑चास्तस्य॑ । वि॒श्वव्य॑चा
 इति॑ वि॒श्व – व्य॑चाः । तस्य॑ चक्षुः॑ । चक्षु॑र् वैश्वव्य॑चसम् ।
 वैश्वव्य॑चसम् ँव॒र्षाणि॑ । वैश्वव्य॑चसमिति॑ वैश्व – व्य॑चसम् ।
 व॒र्षाणि॑ चाक्षु॑षाणि । चाक्षु॑षाणि जगती॑ । जगती॑ वा॒र्षी । वा॒र्षी
 जगत्याः॑ । जगत्या॑ ऋक्ष॑मम् । ऋक्ष॑ममृक्ष॑मात् । ऋक्ष॑माच्छु॒क्रः ।
 शु॒क्रः शु॒क्रात् । शु॒क्राथ् सप्त॑दशः । सप्त॑दशः सप्त॑दशात् ।
 सप्त॑दश इति॑ सप्त – दशः॑ । सप्त॑दशाद् वैरूप॑म् । सप्त॑दशादिति॑
 सप्त – दशात् । वैरूपं॑ ँवैरू॒पात् । वैरू॒पाद् विश्वा॑मित्रः । विश्वा॑मित्र
 ऋषिः॑ । विश्वा॑मित्र इति॑ वि॒श्व – मि॒त्रः । ऋषिः॑ प्र॒जापति॑गृहीतया ।
 प्र॒जापति॑गृहीतया॑ त्वया॑ ॥ प्र॒जापति॑गृहीतयेति॑ प्र॒जापति॑ – गृही॒तया॑ ।
 त्वया॑ चक्षुः॑ । चक्षु॑र् गृह्णामि॑ । गृह्णामि॑ प्र॒जाभ्यः॑ । प्र॒जाभ्य॑ इदम् ।
 प्र॒जाभ्य॑ इति॑ प्र – जाभ्यः॑ । इदमु॒त्तरात् । उ॒त्तराथ् सुवः॑ ।
 उ॒त्तरादि॑त्युत् – तरात् । सुव॑स्तस्य॑ । तस्य॑ श्रोत्र॑म् । श्रोत्रं॑ सौव॑म् ।

सौ॒व॒ श॒रत् । श॒रच्छ्रौ॒त्री । श्रौ॒त्र्यनु॒ष्टुप् । अनु॒ष्टुप्छार॒दी ।
 अनु॒ष्टुबि॒त्यनु - स्तुप् । शार॒द्यनु॒ष्टुभः । अनु॒ष्टुभः स्वार॒म् । अनु॒ष्टुभ
 इत्यनु॒-स्तु॒भः । स्वार॒ञ् स्वार॒त् । स्वारान् म॒न्थी । म॒न्थी म॒न्थिनः ।
 म॒न्थिन॒ एक॒वि॒शः । एक॒वि॒श॒ एक॒वि॒शात् ।
 एक॒वि॒श॒ इत्ये॒क - वि॒शः । एक॒वि॒शाद् वैरा॒जम् ।
 एक॒वि॒शादि॒त्ये॒क - वि॒शात् । वैरा॒जं वैरा॒जात् ।
 वैरा॒जाज् ज॒मद॒ग्निः । ज॒मद॒ग्निर् ऋ॒षिः ।
 ऋ॒षिः प्र॒जाप॒तिगृ॒हीतया () । प्र॒जाप॒तिगृ॒हीतया॒ त्वया॑ ॥
 प्र॒जाप॒तिगृ॒हीतये॒ति प्र॒जाप॒ति - गृ॒हीतया॑ । 3 (50/64)

T.S.4.3.2.3 - Kramam

त्वया॑ श्रो॒त्रम् । श्रो॒त्रम् गृ॒ह्णामि॑ । गृ॒ह्णामि॑ प्र॒जाभ्यः॑ । प्र॒जाभ्य॑ इ॒यम् ।
 प्र॒जाभ्य॑ इति॑ प्र - जा॒भ्यः । इ॒यमु॒परि॑ । उ॒परि॑ म॒तिः । म॒तिस्तस्यै॑ ॥
 तस्यै॑ वाक् । वाङ् मा॒ती । मा॒ती हे॒मन्तः॑ । हे॒मन्तो॑ वा॒च्याय॒नः ।
 वा॒च्याय॒नः प॒ङ्क्तिः॑ । प॒ङ्क्तिर् है॒मन्ती॑ । है॒मन्ती॑ प॒ङ्क्त्यै॑ । प॒ङ्क्त्यै॑
 नि॒धन॒वत् । नि॒धन॒वन् नि॒धन॒वतः॑ । नि॒धन॒वदि॒ति नि॒धन - वत् ।

नि॒ध॒न॒व॒त॒ आ॒ग्र॒य॒णः॑ । नि॒ध॒न॒व॒त॒ इति॑ नि॒ध॒न॒ – व॒तः॑ । आ॒ग्र॒य॒ण
 आ॒ग्र॒य॒णात्॑ । आ॒ग्र॒य॒णात्॑ त्रि॒ण॒व॒त्र॒य॒स्त्रि॒ंशौ॑ । त्रि॒ण॒व॒त्र॒य॒स्त्रि॒ंशौ॑
 त्रि॒ण॒व॒त्र॒य॒स्त्रि॒ंश॒भ्याम्॑ ॥ त्रि॒ण॒व॒त्र॒य॒स्त्रि॒ंश॒वि॒ति॑
 त्रि॒ण॒व॒ – त्र॒य॒स्त्रि॒ंशौ॑ । त्रि॒ण॒व॒त्र॒य॒स्त्रि॒ंश॒भ्यां॑ शा॒क्व॒र॒रै॒व॒ते॑ ।
 त्रि॒ण॒व॒त्र॒य॒स्त्रि॒ंश॒भ्या॒मि॒ति॑ त्रि॒ण॒व॒ – त्र॒य॒स्त्रि॒ंश॒भ्याम्॑ ॥
 शा॒क्व॒र॒रै॒व॒ते॑ शा॒क्व॒र॒रै॒व॒ता॒भ्याम्॑ ॥ शा॒क्व॒र॒रै॒व॒ते॑ इति॑ शा॒क्व॒र॒रै॒व॒ते॑ ।
 शा॒क्व॒र॒रै॒व॒ता॒भ्यां॑ वि॒श्व॒क॒र्मा॑ । शा॒क्व॒र॒रै॒व॒ता॒भ्या॒मि॒ति॑
 शा॒क्व॒र॒ – रै॒व॒ता॒भ्याम्॑ ॥ वि॒श्व॒क॒र्म॒र्षिः॑ । वि॒श्व॒क॒र्मे॒ति॑ वि॒श्व॒क॒र्मा॑ ।
 ऋ॒षिः॑ प्र॒जा॒प॒ति॒गृ॒ही॒त॒या॑ । प्र॒जा॒प॒ति॒गृ॒ही॒त॒या॑ त्व॒या॑ ॥
 प्र॒जा॒प॒ति॒गृ॒ही॒त॒ये॒ति॑ प्र॒जा॒प॒ति॑ – गृ॒ही॒त॒या॑ । त्व॒या॑ वा॒च॒म् ॥ वा॒च॒म्
 गृ॒ह्णामि॑ । गृ॒ह्णामि॑ प्र॒जा॒भ्यः॑ । प्र॒जा॒भ्य॑ इति॑ प्र – जा॒भ्यः॑ ॥ 4 (30/39)

(त्व॒या॑ म॒नो॑-ज॒म॒द॒ग्नि॒र्ऋ॒षिः॑ प्र॒जा॒प॒ति॒गृ॒ही॒त॒या॑-त्रि॒ंश॒च्च॑) (A2)

T.S.4.3.3.1 - Kramam

प्रा॒ची॑ दि॒शाम्॑ । दि॒शां॑ व॒स॒न्तः॑ । व॒स॒न्त॑ ऋ॒तू॒नाम्॑ । ऋ॒तू॒ना॒म॒ग्निः॑ ।
 अ॒ग्नि॒र् दे॒वता॑ ॥ दे॒वता॑ ब्र॒ह्म॑ । ब्र॒ह्म॑ द्र॒वि॒णम्॑ । द्र॒वि॒णम्॑ त्रि॒वृत्॑ ।
 त्रि॒वृत्॑ स्तो॒मः॑ । त्रि॒वृ॒दि॒ति॑ त्रि – वृत्॑ । स्तो॒मः॑ सः॑ । स॑ उ॑ ।

उ॒ पञ्च॒द॒श॒व॒र्त॒निः॑ । पञ्च॒द॒श॒व॒र्त॒नि॒ स्त्र्य॒विः॑ । पञ्च॒द॒श॒व॒र्त॒नि॒रि॒ति॑
 पञ्च॒द॒श॒ - व॒र्त॒निः॑ । त्र्य॒विर् व॒यः॑ । त्र्य॒वि॒रि॒ति॑ त्रि॒ - अ॒विः॑ ।
 व॒यः कृ॒तम् । कृ॒त॒म॒या॒नाम् । अ॒या॒नाम् पु॒रो॒वा॒तः । पु॒रो॒वा॒तो वा॒तः॑ ।
 पु॒रो॒वा॒त इति॑ पु॒रः - वा॒तः । वा॒तः सा॒न॒गः । सा॒न॒ग ऋ॒षिः॑ ।
 ऋ॒षिर् दक्षि॑णा । दक्षि॑णा दि॒शाम् । दि॒शाम् ग्री॒ष्मः । ग्री॒ष्म ऋ॒तू॒नाम् ।
 ऋ॒तू॒ना॒मिन्द्रः॑ । इन्द्रो॑ दे॒वता॑ ॥ दे॒वता॑ क्ष॒त्रम् । क्ष॒त्रम् द्र॒वि॒णम् ।
 द्र॒वि॒णम् पञ्च॒द॒शः॑ । पञ्च॒द॒शः स्तो॒मः॑ । पञ्च॒द॒श इति॑
 पञ्च॒ - द॒शः॑ । स्तो॒मः सः॑ । स उ॑ । उ॒ स॒प्त॒द॒श॒व॒र्त॒निः॑ ।
 स॒प्त॒द॒श॒व॒र्त॒निर् दि॒त्य॒वाट् । स॒प्त॒द॒श॒व॒र्त॒नि॒रि॒ति॑ स॒प्त॒द॒श॒-व॒र्त॒निः॑ ।
 दि॒त्य॒वाड् व॒यः॑ । दि॒त्य॒वाडि॒ति॑ दि॒त्य॒ - वाट् । व॒यस्त्रे॒ता॑ ॥
 त्रे॒ताऽया॑नाम् । अ॒या॒नाम् दक्षि॑णाद्वा॒तः । दक्षि॑णाद्वा॒तो वा॒तः॑ ।
 दक्षि॑णाद्वा॒त इति॑ दक्षि॑णात् - वा॒तः । वा॒तः स॒ना॒त॒नः॑ । स॒ना॒त॒न
 ऋ॒षिः॑ । स॒ना॒त॒न इति॑ स॒ना॒ - त॒नः॑ । ऋ॒षिः प्र॒ती॒ची॑ । प्र॒ती॒ची
 दि॒शाम् । दि॒शां व॒र्षाः॑ । व॒र्षा ऋ॒तू॒नाम् । ऋ॒तू॒नां वि॒श्वे॑ ॥
 वि॒श्वे दे॒वाः॑ । दे॒वा दे॒वता॑ ॥ दे॒वता॑ विट् । विड् द्र॒वि॒णम् । 5 (50/59)

T.S.4.3.3.2 - Kramam

द्र॒विण॑ꣳ स॒प्तद॒शः । स॒प्तद॒शः स्तो॑मः । स॒प्तद॒श इति॑
 स॒प्त – द॒शः । स्तो॑मः सः । स उ॑ । उ॒वेक॑वि॒ꣳश॑व॒र्तनिः॑ ।
 ए॒क॒वि॒ꣳश॑व॒र्तनि॑ स्त्रि॒व॒थ्सः॑ । ए॒क॒वि॒ꣳश॑व॒र्तनि॑रि॒त्येक॑वि॒ꣳश॑-व॒र्तनिः॑ ।
 त्रि॒व॒थ्सो व॑यः । त्रि॒व॒थ्स इति॑ त्रि – व॒थ्सः॑ । व॒यो द्वा॑परः ।
 द्वा॒परो॑ऽया॒नाम् । अ॒या॒नाम् प॒श्चाद्वा॑तः । प॒श्चाद्वा॑तो वा॒तः । प॒श्चाद्वा॑त
 इति॑ प॒श्चात् – वा॒तः । वा॒तोऽह॑भू॒नः । अ॒ह॒भू॒न ऋ॑षिः । ऋ॑षि॒रुदी॑ची ।
 उदी॑ची दि॒शाम् । दि॒शाꣳ श॑रत् । श॒रदृ॑तू॒नाम् । ऋ॒तू॒नाम् मि॒त्राव॑रु॒णौ ।
 मि॒त्राव॑रु॒णौ दे॒वता॑ ॥ मि॒त्राव॑रु॒णावि॑ति मि॒त्रा – व॑रु॒णौ । दे॒वता॑ पु॒ष्टम् ।
 पु॒ष्टम् द्र॒विण॑म् । द्र॒विण॑मेक॒वि॒ꣳशः॑ । ए॒क॒वि॒ꣳशः॑ स्तो॑मः । ए॒क॒वि॒ꣳश
 इत्ये॑क – वि॒ꣳशः॑ । स्तो॑मः सः । स उ॑ । उ॒ त्रि॒णव॑व॒र्तनिः॑ ।
 त्रि॒णव॑व॒र्तनि॑ स्तु॒र्यवा॑ट् । त्रि॒णव॑व॒र्तनि॑रि॒ति त्रि॒णव॑ – व॒र्तनिः॑ । तु॒र्यवा॑ड्
 व॑यः । तु॒र्यवा॑डिति॑ तु॒र्य-वा॑ट् । व॑य आ॒स्क॒न्दः । आ॒स्क॒न्दोऽया॑ना॒म् ।
 आ॒स्क॒न्द इत्या॑ – स्क॒न्दः । अ॒या॒नामु॑त्त॒राद्वा॑तः । उ॒त्त॒राद्वा॑तो वा॒तः ।
 उ॒त्त॒राद्वा॑त इत्यु॑त्त॒रात् – वा॒तः । वा॒तः प्र॒लः । प्र॒ल ऋ॑षिः ।

ऋषि॑रु॒र्ध्वा । ऊ॒र्ध्वा दि॒शाम् । दि॒शा॒॒ हे॒मन्त॑शि॒शिरौ॑ ।
 हे॒मन्त॑शि॒शिरा॑वृ॒तूनाम् । हे॒मन्त॑शि॒शिरा॑विति हे॒मन्त॑ - शि॒शिरौ॑ ।
 ऋ॒तूनाम् बृ॒हस्प॑तिः । बृ॒हस्प॑तिर् दे॒वता॑ । दे॒वता॑ वर्चः ।
 वर्चो॑ द्र॒विणम् । द्र॒विणम् त्रि॒णवः॑ । त्रि॒णवः॑ स्तोमः । त्रि॒णव॑ इति
 त्रि - नवः । स्तोमः॑ सः । स उ॑ । उ त्रय॑स्त्रि॒शव॑र्तनिः ।
 त्रय॑स्त्रि॒शव॑र्तनिः प॒ष्ठवात् । त्रय॑स्त्रि॒शव॑र्तनिरिति
 त्रय॑स्त्रि॒श - वर्त॑निः । प॒ष्ठवाद् वयः॑ () । प॒ष्ठवा॑दिति प॒ष्ठ - वात् ।
 वयो॑ऽभि॒भूः । अ॒भिभू॑रयानाम् । अ॒भिभू॑रित्यभि - भूः । अ॒यानाम्
 वि॒ष्वग्वा॑तः । वि॒ष्वग्वा॑तो वा॒तः । वि॒ष्वग्वा॑त इति वि॒ष्वक् - वा॒तः ।
 वा॒तः सु॒पर्णः॑ । सु॒पर्ण॑ ऋषिः । सु॒पर्ण॑ इति सु॒पर्णः॑ । ऋषिः॑ पि॒तरः॑ ।
 पि॒तरः॑ पि॒ताम॑हाः । पि॒ताम॑हाः परे॑ । परे॑ऽवरे । अ॒वरे॑ ते । ते नः॑ ।
 नः॑ पा॒न्तु । पा॒न्तु॑ ते । ते नः॑ । नो॑ऽवन्तु । अ॒वन्त्व॑स्मिन् । अ॒स्मिन्
 ब्र॒ह्मन् । ब्र॒ह्मन् अ॒स्मिन् । अ॒स्मिन् क्ष॒त्रे । क्ष॒त्रेऽस्या॑म् । अ॒स्यामा॑शिषि ।
 आ॒शिष्य॑स्याम् । आ॒शिषी॑त्या - शिषि॑ । अ॒स्याम् पु॒रोधा॑याम् ।
 पु॒रोधा॑याम॒स्मिन् । पु॒रोधा॑यामिति पु॒रः - धा॑याम् । अ॒स्मिन् क॑र्मन् ।

कर्म॑न्न॒स्याम् । अ॒स्याम् दे॒वहू॑त्याम् ।

दे॒वहू॑त्या॒मिति॑ दे॒व – हू॒त्याम् ॥ 6 (78/97)

(विट् – प॒ष्ठ॒वाद् वयो॑ – ऽष्टा॒वि॒ंशति॑श्च) (A3)

T.S.4.3.4.1 - Kramam

ध्रु॒वक्षि॑तिर् ध्रु॒वयो॑निः । ध्रु॒वक्षि॑तिरिति॑ ध्रु॒व – क्षि॒तिः । ध्रु॒वयो॑निर्

ध्रु॒वा । ध्रु॒वयो॑निरिति॑ ध्रु॒व – यो॒निः । ध्रु॒वाऽसि॑ । अ॒सि॒ ध्रु॒वाम् ।

ध्रु॒वां यो॑निम् । यो॒नि॒मा । आ॒ सी॒द । सी॒द सा॒द्ध्य॑या । सा॒द्ध्ये॑ति

सा॒द्ध्य॑या ॥ उ॒क्षस्य॑ के॒तुम् । के॒तुम् प्र॑थ॒मम् । प्र॒थ॒मम् पु॒रस्ता॑त् ।

पु॒रस्ता॑द॒श्विना॑ । अ॒श्विना॑ऽद॒ध्वर्यू॑ । अ॒द॒ध्वर्यू॑ सा॒दय॑ताम् ।

अ॒द॒ध्वर्यू॑ इत्य॑द॒ध्वर्यू॑ । सा॒दय॑ता॒मिह॑ । इ॒ह त्वा॑ । त्वेति॑ त्वा ॥

स्वे दक्षे॑ । दक्षे॑ दक्ष॒पिता॑ । दक्ष॒पिते॑ह । दक्ष॒पिते॑ति॒ दक्ष – पि॒ता ।

इ॒ह सी॒द । सी॒द दे॒वत्रा॑ । दे॒वत्रा॑ पृ॒थि॒वी । दे॒वत्रे॑ति॒ देव – त्रा॑ ।

पृ॒थि॒वी बृ॑ह॒ती । बृ॑ह॒ती ररा॑णा । ररा॑णेति॒ ररा॑णा ॥ स्वा॒स॒स्था त॒नुवा॑ ॥

स्वा॒स॒स्थेति॑ सु – आ॒स॒स्था । त॒नुवा॑ सम् । सं वि॑श॒स्व ।

वि॒श॒स्व पि॒ता । पि॒ते॒व । इ॒वैधि॑ । ए॒धि॒ सून॑वै । सून॑व आ ।

आ सु॑शे॒वा । सु॑शे॒वाऽश्वि॑ना । सु॑शे॒वेति॑ सु – शे॒वा ॥

अ॒श्विना॑ऽद॒ध्वर्यू॑ । अ॒द॒ध्वर्यू॑ सा॒दय॑ताम् । अ॒द॒ध्वर्यू॑ इत्य॑द॒ध्वर्यू॑ ।
 सा॒दय॑ता॒मिह॑ । इ॒ह त्वा॑ ॥ त्वेति॑ त्वा ॥ कु॒ला॒यिनी॑ वसु॒मती॑ ।
 वसु॒मती॑ वयो॒धाः । वसु॒मती॑ति॒ वसु॑ - म॒ती । वयो॒धा र॒यिम् ।
 वयो॒धा इति॑ वयः - धाः । र॒यिम् नः॑ । नो॒ व॒र्द्ध॑ । व॒र्द्ध॑ बहु॒लम् ।
 बहु॒लं सु॒वीर॑म् । सु॒वीर॑मि॒ति सु॑ - वी॒रम् ॥ 7 (50/60)

T.S.4.3.4.2 - Kramam

अपा॑मतिम् । अ॒मति॑म् दु॒र्मति॑म् । दु॒र्मति॑म् बा॒धमा॑ना । दु॒र्मति॑मि॒ति
 दुः - म॒तिम् । बा॒धमा॑ना रा॒यः । रा॒यस्पो॑षे ॥ पो॑षे य॒ज्ञप॑तिम् ।
 य॒ज्ञप॑तिमा॒भज॑न्ती । य॒ज्ञप॑तिमि॒ति य॒ज्ञ - प॒तिम् । आ॒भज॑न्ती सु॒वः ।
 आ॒भज॑न्तीत्या॑ - भज॑न्ती । सु॒वर् धे॑हि । धे॒हि य॑ज॒मानाय॑ ।
 य॑ज॒मानाय॑ पो॒षम् ॥ पो॑षम॒श्विना॑ ॥ अ॒श्विना॑ऽद॒ध्वर्यू॑ । अ॒द॒ध्वर्यू॑
 सा॒दय॑ताम् । अ॒द॒ध्वर्यू॑ इत्य॑द॒ध्वर्यू॑ । सा॒दय॑ता॒मिह॑ । इ॒ह त्वा॑ ॥ त्वेति॑
 त्वा ॥ अ॒ग्नेः पु॑रीषम् । पु॒रीष॑मसि । अ॒सि दे॒वयानी॑ । दे॒वयानी॑ ताम् ।
 दे॒वयानी॑ति॒ देव॑ - यानी॑ ॥ ताम् त्वा॑ ॥ त्वा वि॒श्वे ॥ वि॒श्वे अ॒भि ।
 अ॒भि गृ॑णन्तु । गृ॒णन्तु॑ दे॒वाः । दे॒वा इति॑ दे॒वाः ॥
 स्तोम॑पृ॒ष्ठा घृ॑तवती । स्तोम॑पृ॒ष्ठेति॑ स्तोम॑ - पृ॒ष्ठा । घृ॑तवती॒ह ।

चतुर्थ काण्डे - तृतीयः प्रश्नः - (TS 4.3)

घृ॒तव॒तीति॑ घृ॒त - व॒ती । इ॒ह सी॒द । सी॒द प्र॒जाव॑त् । प्र॒जाव॑द॒स्मे ।
प्र॒जाव॑दि॒ति प्र॒जा - व॒त् । अ॒स्मे द्र॑वि॒णा । अ॒स्मे इ॒त्यस्मे॑ । द्र॑वि॒णा ।
आ य॑ज॒स्व । य॒ज॒स्वाश्चि॑ना ॥ अ॒श्चि॑ना॒ऽध्व॒र्यू । अ॒ध्व॒र्यू
सा॒दय॑ताम् । अ॒ध्व॒र्यू इ॒त्यध्व॑र्यू । सा॒दय॑ता॒मिह॑ । इ॒ह त्वा ॥ त्वेति॑
त्वा ॥ दि॒वो मूर्ध्ना॑ । मूर्ध्ना॑ऽसि॑ । अ॒सि पृ॑थि॒व्याः । पृ॑थि॒व्या नाभिः॑ ।
नाभि॑र् वि॒ष्टम्भ॑नी । वि॒ष्टम्भ॑नी दि॒शाम् । वि॒ष्टम्भ॑नीति॑ वि - स्तम्भ॑नी ।
दि॒शामधि॑प॒त्नी । अधि॑प॒त्नी भु॑व॒नानाम्॑ । अधि॑प॒त्नीत्यधि॑ - प॒त्नी ।
भु॑व॒नानामि॑ति॒ भु॑व॒नानाम् ॥ 8 (50/62)

T.S.4.3.4.3 - Kramam

ऊ॒र्मिर् द्र॑प्सः । द्र॑प्सो अ॒पाम् । अ॒पाम॑सि । अ॒सि वि॒श्वकर्मा॑ ।
वि॒श्वकर्मा॑ ते । वि॒श्वकर्मे॑ति॒ विश्व॑ - क॒र्मा । त ऋ॑षिः । ऋ॑षि॒रश्चि॑ना ॥
अ॒श्चि॑ना॒ऽध्व॒र्यू । अ॒ध्व॒र्यू सा॒दय॑ताम् । अ॒ध्व॒र्यू इ॒त्यध्व॑र्यू ।
सा॒दय॑ता॒मिह॑ । इ॒ह त्वा ॥ त्वेति॑ त्वा ॥ स॒जूर् ऋ॑तुभिः । स॒जूरि॑ति
स - जूः । ऋ॑तुभिः स॒जूः । ऋ॑तुभि॒रित्यृ॑तु-भिः । स॒जूर् वि॒धाभिः॑ ।
स॒जूरि॑ति स - जूः । वि॒धाभिः॑ स॒जूः । वि॒धाभि॒रिति॑ वि - धाभिः॑ ।
स॒जूर् व॑सुभिः । स॒जूरि॑ति स - जूः । व॑सुभिः स॒जूः ।

वसु॑भिरि॒ति वसु॑ - भिः॒ । स॒जू रु॒द्रैः । स॒जूरि॑ति स - जूः ।
 रु॒द्रैः स॒जूः । स॒जूरा॑दित्यैः । स॒जूरि॑ति स - जूः । आ॒दि॒त्यैः स॒जूः ।
 स॒जूर् विश्वैः॑ ॥ स॒जूरि॑ति स - जूः । विश्वै॑र् दे॒वैः । दे॒वैः स॒जूः ।
 स॒जूर् दे॒वैः । स॒जूरि॑ति स - जूः । दे॒वैः स॒जूः । स॒जूर् दे॒वैः ।
 स॒जूरि॑ति स - जूः । दे॒वैर् वयो॑नाधैः । वयो॑नाधै॒रग्नये॑ ॥
 वयो॑नाधैरि॒ति वयः॑ - नाधैः॑ ॥ अ॒ग्नये॑ त्वा । त्वा वै॒श्वान॑राय ।
 वै॒श्वान॑रायाश्चि॒ना ॥ अ॒श्चि॒नाऽद॒ध्वर्यू॑ । अ॒द॒ध्वर्यू॑ सा॒दय॑ताम् । अ॒द॒ध्वर्यू॑
 इत्य॑द॒ध्वर्यू॑ । सा॒दय॑तामि॒ह । इ॒ह त्वा ॥ त्वेति॑ त्वा ॥ प्रा॒णम् मे ॥
 प्रा॒णमि॑ति प्र - अ॒नम् । मे पा॒हि । पा॒ह्यपा॒नम् । अ॒पा॒नम् मे ॥
 अ॒पा॒नमि॑त्यप - अ॒नम् । मे पा॒हि । पा॒हि व्या॒नम् । व्या॒नम् मे ॥
 व्या॒नमि॑ति वि - अ॒नम् । मे पा॒हि । पा॒हि चक्षुः॑ । चक्षु॑र् मे ।
 म उ॒र्व्या () । उ॒र्व्या वि । वि भा॑हि । भा॒हि श्रो॑त्रम् । श्रो॑त्रम् मे ।
 मे श्लो॑कय । श्लो॑कयापः । अ॒पस्मि॑न्व । पि॒न्वौष॑धीः । ओष॑धीर्
 जि॒न्व । जि॒न्व द्वि॒पात् । द्वि॒पात् पा॑हि । द्वि॒पादि॑ति द्वि - पात् ।

पा॒हि॒ च॒तु॒ष्पात् । च॒तु॒ष्पाद॒व । च॒तु॒ष्पादि॒ति॒ च॒तुः – पा॒त् ।

अ॒व दि॒वः । दि॒वो वृ॒ष्टिम् । वृ॒ष्टि॒मा । ए॒रय॑ । ई॒रये॑ती॒रय॑ ॥ 9 (67/87)

(सु॒वी॒रं – भु॒वना॑ना – मु॒र्व्या – स॒प्तद॑श च) (A4)

T.S.4.3.5.1 - Kramam

त्र्य॒विर् व॒यः । त्र्य॒विरि॑ति॒ त्रि – अ॒विः । व॒यस्त्रि॒ष्टुप् । त्रि॒ष्टुप् छ॒न्दः ।

छ॒न्दो दि॒त्यवा॑ट् । दि॒त्यवा॑ड् व॒यः । दि॒त्यवा॑डि॒ति दि॒त्य – वा॑ट् ।

व॒यो वि॒राट् । वि॒राट् छ॒न्दः । वि॒राडि॑ति॒ वि-रा॑ट् । छ॒न्दः प॒ञ्चा॒विः ।

प॒ञ्चा॒विर् व॒यः । प॒ञ्चा॒विरि॑ति॒ प॒ञ्च – अ॒विः । व॒यो गा॒यत्री॑ ।

गा॒यत्री॑ छ॒न्दः । छ॒न्दस्त्रि॒वथ्सः॑ । त्रि॒वथ्सो॑ व॒यः । त्रि॒वथ्स॑ इति॒

त्रि – व॒थ्सः । व॒य उ॒ष्णिहा॑ । उ॒ष्णिहा॑ छ॒न्दः । छ॒न्दस्तु॒र्यवा॑ट् ।

तु॒र्यवा॑ड् व॒यः । तु॒र्यवा॑डि॒ति तु॒र्य-वा॑ट् । व॒योऽनु॒ष्टुप् । अ॒नु॒ष्टुप् छ॒न्दः ।

अ॒नु॒ष्टु॒बि॒त्यनु॑ – स्तु॒प् । छ॒न्दः प॒ष्ठवा॑त् । प॒ष्ठवा॑द् व॒यः । प॒ष्ठवा॑दि॒ति

प॒ष्ठ – वा॑त् । व॒यो बृ॒हती॑ । बृ॒हती॑ छ॒न्दः । छ॒न्द उ॒क्षा । उ॒क्षा व॒यः ।

व॒यः स॒तोबृ॑हती । स॒तोबृ॑हती॒ छ॒न्दः । स॒तोबृ॑हती॒ति स॒तः – बृ॒हती॑ ।

छ॒न्द ऋ॒षभः॑ । ऋ॒षभो॑ व॒यः । व॒यः क॒कुत् । क॒कुच्छ॑न्दः ।

छ॒न्दो धे॒नुः । धे॒नुर् व॒यः । व॒यो ज॒गती॑ । ज॒गती॑ छ॒न्दः ।

छन्दोऽन॒ड्वान् । अन॒ड्वान् वयः॑ । वयः॑ प॒ङ्क्तिः॑ । प॒ङ्क्ति॑ इ॒छन्दः॑ ।
 छन्दो॑ ब॒स्तः । ब॒स्तो वयः॑ । वयो॑ वि॒वलम् । वि॒वलम् छन्दः॑ ।
 वि॒वलमि॑ति वि - व॒लम् । छन्दो॑ वृ॒ष्णिः । वृ॒ष्णिर् वयः॑ ।
 वयो॑ वि॒शालम् । वि॒शालम् छन्दः॑ । वि॒शालमि॑ति वि - शालम् ।
 छन्दः॑ पु॒रुषः॑ । पु॒रुषो वयः॑ () । वयस्त॒न्द्रम् । त॒न्द्रम् छन्दः॑ ।
 छन्दो॑ व्या॒घ्रः । व्या॒घ्रो वयः॑ । वयोऽना॑धृष्टम् । अना॑धृष्टम् छन्दः॑ ।
 अना॑धृष्टमि॒त्यना - धृष्टम्॑ । छन्दः॑ सि॒हः । सि॒हो वयः॑ ।
 वय॑ इ॒छदिः॑ । छ॒दि इ॒छन्दः॑ । छन्दो॑ वि॒ष्टम्भः॑ । वि॒ष्टम्भो वयः॑ ।
 वि॒ष्टम्भ॑ इति वि - स्त॒म्भः । वयोऽधि॑पतिः । अधि॑पति इ॒छन्दः॑ ।
 अधि॑पतिरि॒त्यधि - पतिः॑ । छन्दः॑ क्ष॒त्रम् । क्ष॒त्रम् वयः॑ ।
 वयो॑ मय॒न्दम् । मय॒न्दम् छन्दः॑ । छन्दो॑ वि॒श्वकर्मा॑ । वि॒श्वकर्मा॑ वयः॑ ।
 वि॒श्वकर्मे॑ति वि॒श्व - कर्मा॑ । वयः॑ पर॒मेष्ठी । पर॒मेष्ठी छन्दः॑ ।
 छन्दो॑ मूर्द्धा॑ । मूर्द्धा॑ वयः॑ । वयः॑ प्र॒जापतिः॑ । प्र॒जापति॑ इ॒छन्दः॑ ।
 प्र॒जापति॑रिति प्र॒जा - पतिः॑ । छन्द॑ इति छन्दः॑ ॥ 10 (76/92)
 (पुरु॑षो वयः॑ - षड् वि॒शतिश्च) (A5)

T.S.4.3.6.1 - Kramam

इन्द्रा॑ग्नी॑ अव्य॑थमा॒नाम् । इन्द्रा॑ग्नी॑ इतीन्द्र॑ - अग्नी॑ ।
 अव्य॑थमा॒नामिष्ट॑काम् । इष्ट॑काम् दृ॒ह॒तम् । दृ॒ह॒तं यु॑वम् । यु॒वमि॑ति॒
 यु॒वम् ॥ पृ॒ष्ठेन॑ द्यावा॑पृथि॒वी । द्यावा॑पृथि॒वी अ॒न्तरि॑क्षम् । द्यावा॑पृथि॒वी
 इति॑ द्यावा॑ - पृथि॒वी । अ॒न्तरि॑क्षम् च । च॒ वि । वि॒ बा॑धताम् ।
 बा॒धता॑मि॒ति बा॑धताम् ॥ वि॒श्वकर्मा॑ त्वा । वि॒श्वकर्मे॑ति॒ विश्व॑ - कर्मा॑ ।
 त्वा सा॒दय॑तु । सा॒दय॑त्वन्त॒रि॒क्षस्य॑ । अ॒न्तरि॑क्षस्य॒ पृ॒ष्ठे । पृ॒ष्ठे
 व्य॑चस्वतीम् । व्य॑चस्वतीम् प्रथ॑स्वतीम् । प्रथ॑स्वतीम् भास्वतीम् ।
 भास्वती॑ꣳ सू॒रि॒मती॑म् । सू॒रि॒मती॑मा । सू॒रि॒मती॑मि॒ति सू॒रि - मती॑म् ।
 आ या । या द्याम् । द्याम् भा॑सि । भा॑स्या । आ पृथि॒वीम् ।
 पृथि॒वीमा । ओरु॑ । उ॒र्वन्त॑रि॒क्षम् । अ॒न्तरि॑क्षमन्त॒रि॒क्षम् । अ॒न्तरि॑क्षं
 य॑च्छ । य॑च्छान्त॒रि॒क्षम् । अ॒न्तरि॑क्षम् दृ॒ह । दृ॒हान्त॑रि॒क्षम् ।
 अ॒न्तरि॑क्षम् मा । मा हि॑ꣳसीः । हि॑ꣳसीर् विश्व॑स्मै । विश्व॑स्मै प्रा॒णाय॑ ।
 प्रा॒णाय॑पा॒नाय॑ । प्रा॒णाय॑ेति॒ प्र - अ॒नाय॑ । अ॒पा॒नाय॑ व्या॒नाय॑ ।
 अ॒पा॒नाय॑ेत्य॒प - अ॒नाय॑ । व्या॒नायो॑दा॒नाय॑ । व्या॒नाय॑ेति॒ वि - अ॒नाय॑ ।
 उ॒दा॒नाय॑ प्रति॒ष्ठायै॑ । उ॒दा॒नाय॑ेत्यु॒त् - अ॒नाय॑ । प्रति॒ष्ठायै॑ च॒रि॒त्राय॑ ।

प्र॒ति॒ष्ठा॒या इति॑ प्र॒ति – स्था॒यै॑ ॥ च॒रि॒त्राय॑ वा॒युः । वा॒युस्त्वा॑ ॥ त्वा॒ऽभि॑ ।
अ॒भि पा॒तु । पा॒तु म॒ह्या । म॒ह्या स्व॒स्त्या । स्व॒स्त्या छ॒र्दिषा॑ ॥

छ॒र्दिषा॑ श॒न्तमे॑न । 11 (50/59)

T.S.4.3.6.2 - Kramam

श॒न्तमे॑न॒ तया॑ । श॒न्तमे॑नेति॒ शम् – त॒मे॒न । तया॑ दे॒वत॑या ।
दे॒वत॑याऽङ्गि॒रस्वत् । अ॒ङ्गि॒रस्वद् ध्रु॒वा । ध्रु॒वा सी॑द ।
सी॒देति॑ सी॒द ॥ रा॒ज्य॑सि । अ॒सि प्रा॒ची ॥ प्रा॒ची दिक् । दिग् वि॒राट् ।
वि॒राड॑सि । वि॒राडि॑ति वि – राट् । अ॒सि द॒क्षि॒णा । द॒क्षि॒णा दिक् ।
दि॒ख् स॒म्राट् । स॒म्राड॑सि । स॒म्राडि॑ति स॒म् – राट् । अ॒सि प्र॒तीची॑ ॥
प्र॒तीची॑ दिक् । दि॒ख् स्व॒राट् । स्व॒राड॑सि । स्व॒राडि॑ति स्व – राट् ।
अ॒स्यु॑दी॒ची । उ॒दी॒ची दिक् । दि॒गधि॑प॒त्नी । अधि॑प॒त्न्य॑सि ।
अधि॑प॒त्नीत्य॑धि – प॒त्नी । अ॒सि बृ॒हती॑ । बृ॒हती॑ दिक् । दि॒गायुः॑ ।
आ॒युर् मे॑ । मे पा॒हि । पा॒हि प्रा॒णम् । प्रा॒णम् मे॑ ॥
प्रा॒णमि॑ति प्र – अ॒नम् । मे पा॒हि । पा॒ह्यपा॒नम् । अ॒पा॒नम् मे॑ ॥
अ॒पा॒नमि॑त्यप – अ॒नम् । मे पा॒हि । पा॒हि व्या॒नम् । व्या॒नम् मे॑ ॥

व्या॒नमि॑ति॒ वि – अ॒नम् । मे॒ पा॒हि॒ । पा॒हि॒ च॒क्षुः॑ । च॒क्षुर् मे॑ ।
मे॒ पा॒हि॒ । पा॒हि॒ श्रो॒त्रम्॑ ॥ श्रो॒त्रम् मे॑ । मे॒ पा॒हि॒ । पा॒हि॒ मनः॑ ।
मनो॑ मे॒ । मे॒ जि॒न्व॒ । जि॒न्व॒ वा॒चम्॑ ॥ वा॒चम् मे॑ । मे॒ पि॒न्व॒ () ।
पि॒न्वा॒त्मान॑म् । आ॒त्मान॑म् मे॒ । मे॒ पा॒हि॒ । पा॒हि॒ ज्यो॒तिः॑ ।
ज्यो॒तिर् मे॑ । मे॒ य॒च्छ॒ । य॒च्छे॒ति॑ य॒च्छ ॥ 12 (56/64)

(छर्दिषा – पिन्व – षट्च) (A6)

T.S.4.3.7.1 - Kramam

मा॒ छ॒न्दः॑ । छ॒न्दः॑ प्र॒मा । प्र॒मा॒ छ॒न्दः॑ । प्र॒मे॒ति॑ प्र – मा ।
छ॒न्दः॑ प्र॒ति॒मा । प्र॒ति॒मा॒ छ॒न्दः॑ । प्र॒ति॒मे॒ति॑ प्र॒ति॒-मा॑ । छ॒न्दो॑ऽस्री॒विः॑ ।
अ॒स्री॒वि॒ ऽछ॒न्दः॑ । छ॒न्दः॑ प॒ङ्क्तिः॑ । प॒ङ्क्ति॒ ऽछ॒न्दः॑ । छ॒न्द॑ उ॒ष्णिहा॑ ॥
उ॒ष्णिहा॑ छ॒न्दः॑ । छ॒न्दो॑ बृ॒हती॑ । बृ॒हती॑ छ॒न्दः॑ । छ॒न्दो॑ऽनु॒ष्टुप् । अ॒नु॒ष्टुप्
छ॒न्दः॑ । अ॒नु॒ष्टु॒बित्य॑नु – स्तुप् । छ॒न्दो॑ वि॒राट् । वि॒राट् छ॒न्दः॑ ।
वि॒राडि॑ति॒ वि – राट् । छ॒न्दो॑ गा॒यत्री॑ । गा॒यत्री॑ छ॒न्दः॑ । छ॒न्द॑स्त्रि॒ष्टुप् ।
त्रि॒ष्टुप् छ॒न्दः॑ । छ॒न्दो॑ जग॒ती । जग॒ती॑ छ॒न्दः॑ । छ॒न्दः॑ पृ॒थि॒वी ।
पृ॒थि॒वी॑ छ॒न्दः॑ । छ॒न्दो॑ऽन्तरि॒क्षम् । अ॒न्तरि॒क्षम् छ॒न्दः॑ । छ॒न्दो॑ द्यौः ।
द्यौ॑ श्र॒न्दः॑ । छ॒न्दः॑ समाः॑ । समा॑ ऽछ॒न्दः॑ । छ॒न्दो॑ नक्ष॒त्राणि॑ ।

नक्षत्राणि छन्दः । छन्दो मनः । मनश्छन्दः । छन्दो वाक् । वाक्
 छन्दः । छन्दः कृषिः । कृषिश्छन्दः । छन्दो हिरण्यम् । हिरण्यम्
 छन्दः । छन्दो गौः । गौश्छन्दः । छन्दोऽजा । अजा छन्दः ।
 छन्दोऽश्वः । अश्वश्छन्दः । छन्द इति छन्दः ॥ अग्निर् देवता ॥

देवता वातः । 13 (50/54)

T.S.4.3.7.2 - Kramam

वातो देवता ॥ देवता सूर्यः । सूर्यो देवता ॥ देवता चन्द्रमाः । चन्द्रमा
 देवता ॥ देवता वसवः । वसवो देवता ॥ देवता रुद्राः । रुद्रा देवता ॥
 देवताऽऽदित्याः । आदित्या देवता ॥ देवता विश्वे ॥ विश्वे देवाः । देवा
 देवता ॥ देवता मरुतः । मरुतो देवता ॥ देवता बृहस्पतिः । बृहस्पतिर्
 देवता ॥ देवतेन्द्रः । इन्द्रो देवता ॥ देवता वरुणः । वरुणो देवता ॥
 देवता मूर्द्धा । मूर्द्धाऽसि । असि राट् । राड् ध्रुवा । ध्रुवाऽसि ।
 असि धरुणा ॥ धरुणा यन्त्री । यन्त्र्यसि । असि यमित्री । यमित्रीषे ।
 इषे त्वा ॥ त्वोर्जे । ऊर्जे त्वा ॥ त्वा कृष्यै । कृष्यै त्वा ॥ त्वा क्षेमाय ।
 क्षेमाय त्वा । त्वा यन्त्री । यन्त्री राट् । राड् ध्रुवा । ध्रुवाऽसि । असि
 धरणी । धरणी धर्त्री । धर्त्र्यसि । असि धरित्री । धरित्र्यायुषे () ।

चतुर्थ काण्डे – तृतीयः प्रश्नः – (TS 4.3)

आ॒यु॒षे॒ त्वा॑ । त्वा॒ वर्च॑से । वर्च॑से॒ त्वा॑ । त्वौ॒ज॒से॑ । ओ॒ज॒से॑ त्वा॑ ।

त्वा॒ ब॒ला॒य॑ । ब॒ला॒य॑ त्वा॑ । त्वे॒ति॑ त्वा॑ ॥ 14 (56/56)

(दे॒वता॑ – ऽऽयु॑षे॒ त्वा॑ – षट्च॑) (A7)

T.S.4.3.8.1 - Kramam

आ॒शु॒स्त्रि॒वृत्॑ । त्रि॒वृद् भान्तः॑ । त्रि॒वृदि॑ति॒ त्रि॑ – वृत् ।

भान्तः॑ पञ्च॒दशः॑ । पञ्च॒दशो॑ व्यो॒म । पञ्च॒दश॑ इति॒ पञ्च॑-द॒शः ।

व्यो॒म सप्त॑दशः । व्यो॒मेति॑ वि – ओ॒म । सप्त॑दशः प्र॒तूर्तिः॑ ॥

सप्त॑दश इति॒ सप्त॑-द॒शः । प्र॒तूर्ति॑र॒ष्टादशः॑ । प्र॒तूर्ति॑रिति॒ प्र – तूर्तिः॑ ॥

अ॒ष्टादश॑स्तपः । अ॒ष्टादश॑ इत्य॒ष्टा – द॒शः । तपो॑ नव॒दशः॑ ।

नव॑दशोऽभि॒वर्तः॑ । नव॑दश इति॒ नव॑-द॒शः । अ॒भि॒वर्तः॑ स॒वि॒शः॑ ।

अ॒भि॒वर्त॑ इत्य॒भि – वर्तः॑ । स॒वि॒शो॑ ध॒रुणः॑ । स॒वि॒श इति॑

स – वि॒शः॑ । ध॒रुण॑ एक॒वि॒शः॑ । एक॒वि॒शो॑ वर्चः॑ । एक॒वि॒श

इत्ये॒क – वि॒शः॑ । वर्चो॑ द्वा॒वि॒शः॑ । द्वा॒वि॒शः॑ स॒म्भ॒रणः॑ ।

स॒म्भ॒रण॑स्त्रयो॒वि॒शः॑ । स॒म्भ॒रण॑ इति॒ सम् – भ॒रणः॑ । त्रयो॒वि॒शो॑

योनिः॑ । त्रयो॒वि॒श इति॑ त्रयः – वि॒शः॑ । योनि॑श्चतुर्वि॒शः॑ ।

चतुर्वि॒शो॑ गर्भाः॑ । चतुर्वि॒श इति॑ चतुः – वि॒शः॑ ।

गर्भाः॑ पञ्चवि॒ंशः॑ । पञ्चवि॒ंश ओजः॑ । पञ्चवि॒ंश इति॑
 पञ्च - वि॒ंशः॑ । ओजस्त्रि॒णवः॑ । त्रि॒णवः॑ क्रतुः॑ । त्रि॒णव इति॑
 त्रि - नवः॑ । क्रतुरेकत्रि॒ंशः॑ । एकत्रि॒ंशः॑ प्रतिष्ठा । एकत्रि॒ंश
 इत्येक - त्रि॒ंशः॑ । प्रतिष्ठा त्रयस्त्रि॒ंशः॑ । प्रतिष्ठेति॑ प्रति - स्था ।
 त्रयस्त्रि॒ंशो ब्र॒ध्नस्य॑ । त्रयस्त्रि॒ंश इति॑ त्रयः - त्रि॒ंशः॑ ।
 ब्र॒ध्नस्य॑ विष्टपम्॑ । विष्टपम् चतुस्त्रि॒ंशः॑ । चतुस्त्रि॒ंशो नाकः॑ ।
 चतुस्त्रि॒ंश इति॑ चतुः - त्रि॒ंशः॑ । नाकः॑ षट्त्रि॒ंशः॑ । षट्त्रि॒ंशो
 विवर्तः॑ । षट्त्रि॒ंश इति॑ षट् - त्रि॒ंशः॑ । विवर्तो॑ऽष्टाचत्वारि॒ंशः॑ ।
 विवर्त इति॑ वि - वर्तः॑ । अष्टाचत्वारि॒ंशो ध॒र्त्रः॑ ।
 अष्टाचत्वारि॒ंश इत्यष्टा - चत्वारि॒ंशः॑ । ध॒र्त्रश्चतुष्टोमः॑ ।
 चतुष्टोम इति॑ चतुः - स्तोमः॑ ॥ 15 (37/59)

(आशुः सप्तत्रि॒ंशत्) (A8)

T.S.4.3.9.1 - Kramam

अग्नेर् भागः॑ । भागो॑ऽसि । असि॑ दीक्षायाः॑ । दीक्षाया॑ आधिपत्यम् ।
 आधिपत्यम् ब्रह्म॑ । आधिपत्यमित्याधि - पत्यम् । ब्रह्म स्पृतम् ।

स्पृ॒तम् त्रि॒वृत् । त्रि॒वृथ् स्तो॒मः । त्रि॒वृदि॒ति त्रि – वृत् ।
 स्तो॒म इन्द्र॑स्य । इन्द्र॑स्य भा॒गः । भा॒गोऽसि॑ । अ॒सि वि॒ष्णोः ॥
 वि॒ष्णो॒राधि॑पत्यम् । आधि॑पत्यम् क्ष॒त्रम् । आधि॑पत्यमि॒त्याधि॑-प॒त्यम् ।
 क्ष॒त्रञ् स्पृ॒तम् । स्पृ॒तम् पञ्च॑द॒शः । पञ्च॑द॒शः स्तो॒मः । पञ्च॑द॒श
 इति॑ पञ्च – द॒शः । स्तो॒मो नृ॒चक्ष॑साम् । नृ॒चक्ष॑साम् भा॒गः ।
 नृ॒चक्ष॑सामि॒ति नृ – चक्ष॑साम् । भा॒गोऽसि॑ । अ॒सि धा॒तुः ।
 धा॒तुराधि॑पत्यम् । आधि॑पत्यम् ज॒नित्र॑म् ॥ आधि॑पत्यमि॒त्याधि॑-प॒त्यम् ।
 ज॒नित्र॑ञ् स्पृ॒तम् । स्पृ॒तञ् सप्त॑द॒शः । सप्त॑द॒शः स्तो॒मः । सप्त॑द॒श
 इति॑ सप्त – द॒शः । स्तो॒मो मि॒त्रस्य॑ । मि॒त्रस्य॑ भा॒गः । भा॒गोऽसि॑ ।
 अ॒सि वरु॑णस्य । वरु॑णस्याधि॑पत्यम् । आधि॑पत्यम् दि॒वः ।
 आधि॑पत्यमि॒त्याधि॑ – प॒त्यम् । दि॒वो वृ॒ष्टिः । वृ॒ष्टिर् वा॒ताः ॥
 वा॒ताः स्पृ॒ताः । स्पृ॒ता ए॒कवि॒ंशः । ए॒कवि॒ंशः स्तो॒मः ।
 ए॒कवि॒ंश इत्ये॑क – वि॒ंशः । स्तो॒मोऽदि॒त्यै । अदि॑त्यै भा॒गः ।
 भा॒गोऽसि॑ । अ॒सि पू॒ष्णः । पू॒ष्ण आधि॑पत्यम् । आधि॑पत्यमो॒जः ।
 आधि॑पत्यमि॒त्याधि॑ – प॒त्यम् । ओ॒जः स्पृ॒तम् । स्पृ॒तम् त्रि॒णवः॑ ।

त्रि॒णवः॑ स्तोमः॑ । त्रि॒णव॑ इति॑ त्रि - नवः॑ । स्तोमो॑ वसू॒नाम् ।
वसू॒नाम् भा॒गः । भा॒गोऽसि॑ () । अ॒सि॒ रु॒द्राणा॑म् ॥ 16 (50/61)

T.S.4.3.9.2 - Kramam

रु॒द्राणा॑माधि॒पत्यम् । आधि॒पत्यम् चतु॑ष्पात् ।
आधि॒पत्यमि॒त्याधि॑ - प॒त्यम् । चतु॑ष्पाथ् स्पृ॒तम् । चतु॑ष्पादि॒ति
चतुः॑ - पात् । स्पृ॒तम् चतु॑र्वि॒ंशः । चतु॑र्वि॒ंशः स्तोमः॑ ।
चतु॑र्वि॒ंश इति॑ चतुः - वि॒ंशः । स्तोम॑ आदि॒त्याना॑म् ।
आदि॒त्याना॑म् भा॒गः । भा॒गोऽसि॑ । अ॒सि॒ म॒रुता॑म् ॥
म॒रुता॑माधि॒पत्यम् । आधि॒पत्यम् गर्भाः॑ । आधि॒पत्यमि॒त्याधि॑-प॒त्यम् ।
गर्भाः॑ स्पृ॒ताः । स्पृ॒ताः पञ्च॑वि॒ंशः । पञ्च॑वि॒ंशः स्तोमः॑ ।
पञ्च॑वि॒ंशः इति॑ पञ्च - वि॒ंशः । स्तोमो॑ दे॒वस्य॑ ।
दे॒वस्य॑ सवि॒तुः । सवि॒तुर् भा॒गः । भा॒गोऽसि॑ । अ॒सि॒ बृह॑स्प॒तेः ॥
बृह॑स्प॒तेराधि॒पत्यम् । आधि॒पत्यञ् समी॑चीः ।
आधि॒पत्यमि॒त्याधि॑ - प॒त्यम् । समी॑चीर् दि॒शः । दि॒शः स्पृ॒ताः ।
स्पृ॒ताश्चतु॑ष्टोमः । चतु॑ष्टोमः स्तोमः॑ । चतु॑ष्टोम इति॑ चतुः - स्तोमः॑ ।
स्तोमो॑ या॒वाना॑म् । या॒वाना॑म् भा॒गः । भा॒गोऽसि॑ । अ॒स्यया॑वाना॑म् ।

चतुर्थ काण्डे – तृतीयः प्रश्नः – (TS 4.3)

अयावानामाधिपत्यम् । आधिपत्यम् प्रजाः ।
आधिपत्यमित्याधि – पत्यम् । प्रजाः स्पृताः । प्रजा इति प्र – जाः ।
स्पृताश्चतुश्चत्वारिंशः । चतुश्चत्वारिंशः स्तोमः । चतुश्चत्वारिंशः
इति चतुः – चत्वारिंशः । स्तोम ऋभूणाम् । ऋभूणाम् भागः ।
भागोऽसि । असि विश्वेषाम् । विश्वेषाम् देवानाम् ।
देवानामाधिपत्यम् । आधिपत्यम् भूतम् । आधिपत्यमित्याधि-पत्यम् ।
भूतम् निशान्तम् । निशान्तं स्पृतम् । निशान्तमिति नि – शान्तम् ।
स्पृतम् त्रयस्त्रिंशः । त्रयस्त्रिंशः स्तोमः । त्रयस्त्रिंशः
इति त्रयः – त्रिंशः । स्तोम इति स्तोमः ॥ 17 (46/59)

(वसूनां भागोऽसि – षट्चत्वारिंशच्च) (A9)

T.S.4.3.10.1 - Kramam

एकयाऽस्तुवत । अस्तुवत प्रजाः । प्रजा अधीयन्त । प्रजा इति
प्र – जाः । अधीयन्त प्रजापतिः । प्रजापतिरधिपतिः । प्रजापतिरिति
प्रजा – पतिः । अधिपतिरासीत् । अधिपतिरित्यधि – पतिः ।
आसीत् तिसृभिः । तिसृभिरस्तुवत । तिसृभिरिति तिसृ – भिः ।
अस्तुवत ब्रह्म । ब्रह्मासृज्यत । असृज्यत ब्रह्मणः । ब्रह्मणस्पतिः ।

पतिरधिपतिः । अधिपतिरासीत् । अधिपतिरित्यधि – पतिः । आसीत्
 पञ्चभिः । पञ्चभिरस्तुवत । पञ्चभिरिति पञ्च – भिः । अस्तुवत
 भूतानि । भूतान्यसृज्यन्त । असृज्यन्त भूतानाम् । भूतानाम् पतिः ।
 पतिरधिपतिः । अधिपतिरासीत् । अधिपतिरित्यधि – पतिः ।
 आसीत् सप्तभिः । सप्तभिरस्तुवत । सप्तभिरिति सप्त – भिः ।
 अस्तुवत सप्तरुषयः । सप्तरुषयोऽसृज्यन्त । सप्तरुषय इति
 सप्त-ऋषयः । असृज्यन्त धाता । धाताऽधिपतिः । अधिपतिरासीत् ।
 अधिपतिरित्यधि – पतिः । आसीन् नवभिः । नवभिरस्तुवत ।
 नवभिरिति नव – भिः । अस्तुवत पितरः । पितरोऽसृज्यन्त ।
 असृज्यन्तादितिः । अदितिरधिपत्नी । अधिपत्न्यासीत् ।
 अधिपत्नीत्यधि – पत्नी । आसीदेकादशभिः । एकादशभिरस्तुवत ।
 एकादशभिरित्येकादश-भिः । अस्तुवतरत्तवः । ऋतवोऽसृज्यन्त ।
 असृज्यन्तार्तवः । आर्तवोऽधिपतिः । अधिपतिरासीत् ।
 अधिपतिरित्यधि – पतिः । आसीत् त्रयोदशभिः ।
 त्रयोदशभिरस्तुवत । त्रयोदशभिरिति त्रयोदश – भिः ।

चतुर्थ काण्डे – तृतीयः प्रश्नः – (TS 4.3)

अ॒स्तु॒व॒त॒ मा॒साः॑ । मा॒सा॒ अ॒सृ॒ज्य॒न्त॑ । अ॒सृ॒ज्य॒न्त॒ स॒म्व॑त्स॒रः॑ ।

स॒म्व॑त्स॒रोऽधि॑पतिः । स॒म्व॑त्स॒र इति॑ सं – व॒त्स॒रः॑ ।

अधि॑पतिरासीत् । अधि॑पतिरित्यधि – पतिः॑ । 18 (50/67)

T.S.4.3.10.2 - Kramam

आ॒सीत्॑ प॒ञ्च॒द॒श॒भिः॑ । प॒ञ्च॒द॒श॒भि॒र॒स्तु॒व॒त॑ । प॒ञ्च॒द॒श॒भि॒रि॒ति॑

प॒ञ्च॒द॒श – भिः॑ । अ॒स्तु॒व॒त॒ क्ष॒त्र॒म् । क्ष॒त्र॒म॒सृ॒ज्य॒त॑ । अ॒सृ॒ज्य॒ते॒न्द्रः॑ ।

इन्द्रोऽधि॑पतिः । अधि॑पतिरासीत् । अधि॑पतिरित्यधि – पतिः॑ ।

आ॒सीत्॑ स॒प्त॒द॒श॒भिः॑ । स॒प्त॒द॒श॒भि॒र॒स्तु॒व॒त॑ । स॒प्त॒द॒श॒भि॒रि॒ति॑

स॒प्त॒द॒श – भिः॑ । अ॒स्तु॒व॒त॒ प॒श॒वः॑ । प॒श॒वोऽसृ॒ज्य॒न्त॑ ।

अ॒सृ॒ज्य॒न्त॒ बृ॒ह॒स्प॒तिः॑ । बृ॒ह॒स्प॒ति॒रधि॑पतिः । अधि॑पतिरासीत् ।

अधि॑पतिरित्यधि – पतिः॑ । आ॒सीन्॑ न॒व॒द॒श॒भिः॑ । न॒व॒द॒श॒भि॒र॒स्तु॒व॒त॑ ।

न॒व॒द॒श॒भि॒रि॒ति॑ न॒व॒द॒श – भिः॑ । अ॒स्तु॒व॒त॒ शू॒द्रा॒र्यो॑ ।

शू॒द्रा॒र्या॒व॒सृ॒ज्ये॒ताम्॑ । शू॒द्रा॒र्या॒वि॒ति॑ शू॒द्र-अ॒र्यो॑ । अ॒सृ॒ज्ये॒ता॒म॒हो॒रा॒त्रे॑ ।

अ॒हो॒रा॒त्रे॑ अधि॑पत्नी । अ॒हो॒रा॒त्रे॑ इत्य॑हः – रा॒त्रे॑ । अधि॑पत्नी आस्ताम् ।

अधि॑पत्नी इत्यधि – पत्नी॑ । आ॒स्ता॒मे॒क॒विं॒श॒त्या॑ ।

ए॒क॒विं॒श॒त्या॑ऽस्तु॒व॒त॑ । ए॒क॒विं॒श॒त्ये॒त्ये॒क – विं॒श॒त्या॑ ।

अ॒स्तु॒व॒तै॒क॒श॒फाः॑ । ए॒क॒श॒फाः॑ प॒श॒वः॑ । ए॒क॒श॒फा॑ इ॒त्ये॒क - श॒फाः॑ ।
 प॒श॒वो॑ऽसृ॒ज्यन्त॑ । अ॒सृ॒ज्यन्त॑ वरु॒णः॑ । वरु॒णो॑ऽधि॒पतिः॑ ।
 अधि॑पतिरासीत् । अधि॑पतिरि॒त्यधि॑-प॒तिः॑ । आ॒सीत्॑ त्रयो॒वि॒श॒त्या ।
 त्रयो॒वि॒श॒त्याऽस्तु॒वत॑ । त्रयो॒वि॒श॒त्येति॑ त्रयः - वि॒श॒त्या ।
 अ॒स्तु॒वत॑ क्षु॒द्राः॑ । क्षु॒द्राः॑ प॒श॒वः॑ । प॒श॒वो॑ऽसृ॒ज्यन्त॑ । अ॒सृ॒ज्यन्त॑
 पू॒षा । पू॒षाऽधि॑पतिः । अधि॑पतिरासीत् । अधि॑पतिरि॒त्यधि॑ - प॒तिः॑ ।
 आ॒सीत्॑ पञ्च॒वि॒श॒त्या । पञ्च॒वि॒श॒त्याऽस्तु॒वत॑ । पञ्च॒वि॒श॒त्येति॑
 पञ्च - वि॒श॒त्या । अ॒स्तु॒वतार॑ण्याः । आ॒र॒ण्याः॑ प॒श॒वः॑ ।
 प॒श॒वो॑ऽसृ॒ज्यन्त॑ । अ॒सृ॒ज्यन्त॑ वा॒युः॑ । वा॒युरधि॑पतिः ।
 अधि॑पतिरासीत् । अधि॑पतिरि॒त्यधि॑-प॒तिः॑ । आ॒सीत्॑ स॒प्त॒वि॒श॒त्या ।
 स॒प्त॒वि॒श॒त्याऽस्तु॒वत॑ । स॒प्त॒वि॒श॒त्येति॑ स॒प्त - वि॒श॒त्या ।
 अ॒स्तु॒वत॑ द्या॒वापृ॑थि॒वी । द्या॒वापृ॑थि॒वी वि () ।
 द्या॒वापृ॑थि॒वी इति॑ द्या॒वा - पृ॑थि॒वी । व्यै॑ताम् । 19 (50/67)

T.S.4.3.10.3 - Kramam

ऐ॒तां॑ व॒स॒वः॑ । व॒स॒वो॑ रु॒द्राः॑ । रु॒द्रा आ॑दि॒त्याः॑ । आ॒दि॒त्या अ॒नु॑ ।
 अ॒नु॑ वि । व्या॒यन् । आ॒यन्॑ तेषा॒म् । तेषा॒माधि॑पत्यम् ।

आधिपत्यमासीत् । आधिपत्यमित्याधि – पत्यम् ।
 आसीन् नवविंशत्या । नवविंशत्याऽस्तुवत । नवविंशत्येति
 नव – विंशत्या । अस्तुवत वनस्पतयः । वनस्पतयोऽसृज्यन्त ।
 असृज्यन्त सोमः । सोमोऽधिपतिः । अधिपतिरासीत् ।
 अधिपतिरित्यधि – पतिः । आसीदेकत्रिंशताः । एकत्रिंशता
 ऽस्तुवत । एकत्रिंशतेत्येक – त्रिंशता । अस्तुवत प्रजाः ।
 प्रजा असृज्यन्त । प्रजा इति प्र – जाः । असृज्यन्त यावानाम् ।
 यावानाम् च । चायावानाम् । अयावानाम् च । चाधिपत्यम् ।
 आधिपत्यमासीत् । आधिपत्यमित्याधि – पत्यम् । आसीत्
 त्रयस्त्रिंशता । त्रयस्त्रिंशताऽस्तुवत । त्रयस्त्रिंशतेति
 त्रयः – त्रिंशता । अस्तुवत भूतानि । भूतान्यशाम्यन् । अशाम्यन्
 प्रजापतिः । प्रजापतिः परमेष्ठी । प्रजापतिरिति प्रजा – पतिः ।
 परमेष्ठ्यधिपतिः । अधिपतिरासीत् । अधिपतिरित्यधि – पतिः ।
 आसीदित्यासीत् ॥ 20 (35/44)

(सँवथ्सरोऽधिपति – वि – पञ्चत्रिंशच्च) (A10)

T.S.4.3.11.1 - Kramam

इ॒यमे॒व । ए॒व सा । सा या । या प्र॒थ॒मा । प्र॒थ॒मा व्यौ॑च्छत् ।
व्यौ॑च्छद॒न्तः । व्यौ॑च्छदि॒ति वि - औ॑च्छत् । अ॒न्त॒र॒स्याम् । अ॒स्याम्
च॒रति॑ । च॒रति॑ प्र॒वि॒ष्टा । प्र॒वि॒ष्टेति॑ प्र - वि॒ष्टा ॥ व॒धूर् ज॑जान ।
ज॒जान॑ न॒व॒गत् । न॒व॒ग॒ज् ज॑नि॒त्री । न॒व॒ग॒दि॒ति न॒व - ग॑त् ।
ज॑नि॒त्री त्र॒यः । त्र॒य ए॒नाम् । ए॒नाम् म॒हि॒मानः॑ । म॒हि॒मानः॑ स॒च॒न्ते ।
स॒च॒न्त इति॑ स॒च॒न्ते ॥ छ॒न्द॒स्व॒ती उ॒ष॒सा॑ । छ॒न्द॒स्व॒ती इति॑ छ॒न्द॒स्व॒ती ।
उ॒ष॒सा पे॑पि॒शाने॑ । पे॑पि॒शाने॑ स॒मा॒नम् । पे॑पि॒शाने॑ इति॑ पे॑पि॒शाने॑ ।
स॒मा॒नं यो॑नि॒म् । यो॑नि॒म॒नु । अ॒नु स॒ञ्च॑र॒न्ती । स॒ञ्च॑र॒न्ती इति॑
स॒म् - च॑र॒न्ती ॥ सूर्य॑प॒त्नी वि॑ । सूर्य॑प॒त्नी इति॑ सूर्य॑ - प॒त्नी ।
वि च॑रतः । च॒रतः॑ प्र॒जा॒न॒ती । प्र॒जा॒न॒ती के॒तुम् । प्र॒जा॒न॒ती इति॑
प्र - जा॒न॒ती । के॒तुम् कृ॑ण्वाने । कृ॑ण्वाने अ॒ज॒रे॑ । कृ॑ण्वाने इति॑
कृ॑ण्वाने । अ॒ज॒रे भू॑रि॒रेत॑सा । अ॒ज॒रे इत्य॑ज॒रे॑ । भू॑रि॒रेत॑सेति॑
भू॑रि - रे॒त॒सा ॥ ऋ॒त॒स्य॑ प॒न्था॑म् । प॒न्था॑ म॒नु । अ॒नु ति॒स्रः॑ ।
ति॒स्र आ॑ । आ॒ङ्गुः॑ । अ॒गु॒स्त्र॒यः॑ । त्र॒यो घ॑र्मा॒सः॑ । घ॒र्मा॒सो अ॒नु ।

चतुर्थ काण्डे – तृतीयः प्रश्नः – (TS 4.3)

अनु॑ ज्यो॒तिषा॑ । ज्यो॒तिषा॑ । आऽगुः॑ । अ॒गुरि॒त्यगुः॑ ॥ प्र॒जामे॑का ॥
प्र॒जामि॑ति प्र – जा॒म् । एका॑ र॒क्षति॑ । र॒क्षत्यूर्ज॑म् । ऊ॒र्जमे॑का ॥
॥
एका॑ व्र॒तम् । 21 (50/59)

T.S.4.3.11.2 - Kramam

व्र॒तमे॑का । एका॑ र॒क्षति॑ । र॒क्षति॑ दे॒वयू॑नाम् । दे॒वयू॑नामि॒ति
दे॒व – यू॒नाम् ॥ च॒तुष्टो॑मो अ॒भवत् । च॒तुष्टो॑म इति॑ चतुः – स्तो॒मः ।
अ॒भवद् या॑ । या॒ तुरी॑या । तुरी॑या य॒ज्ञस्य॑ । य॒ज्ञस्य॑ प॒क्षौ ।
प॒क्षावृ॑षयः । ऋ॒षयो॑ भव॒न्ती । भव॒न्तीति॑ भव॒न्ती ॥ गा॒यत्री॑म् त्रि॒ष्टुभ॑म् ।
त्रि॒ष्टुभ॑म् जग॒तीम् । जग॒तीमनु॑ष्टुभ॑म् । अ॒नुष्टु॑भम् बृ॒हत् ।
अ॒नुष्टु॑भमि॒त्यनु॑ – स्तु॒भम् । बृ॒हदर्क॑म् । अ॒र्कं यु॑ञ्जानाः । यु॑ञ्जानाः
सु॒वः । सु॒वरा॑ । आऽभ॑रन् । अ॒भर॑न्नि॒दम् । इ॒दमि॑ती॒दम् ॥ प॒ञ्चभि॑र्
धा॒ता । प॒ञ्चभि॑रि॒ति प॒ञ्च – भिः॑ । धा॒ता वि॑ । वि॒ दधौ॑ । द॒धावि॑दम् ।
इ॒दं य॑त् । यत् ता॒साम् । ता॒साँ स्व॑सृः । स्व॑सृ॒रजन॑यत् । अ॒जन॑यत्
प॒ञ्चप॑ञ्च । प॒ञ्चप॑ञ्चेति॒ पञ्च – प॑ञ्च ॥ ता॒सामु॑ । उ॒ यन्ति॑ ।
यन्ति॑ प्र॒यवे॑ण । प्र॒यवे॑ण प॒ञ्च । प्र॒यवे॑णेति॒ प्र – य॑वे॒न । प॒ञ्च ना॑ना ॥
ना॑ना रू॒पाणि॑ । रू॒पाणि॑ क्र॒तवः॑ । क्र॒तवो॑ व॒सानाः॑ ।

व॒साना॒ इति॑ व॒सानाः॑ ॥ त्रि॒॒श॒थ् स्व॒सारः॑ । स्व॒सार॒ उप॑ । उप॑ य॒न्ति॑ ।
य॒न्ति॑ नि॒ष्कृ॒तम् । नि॒ष्कृ॒त॑ स्म॒मानम् । नि॒ष्कृ॒तमि॑ति॒ निः - कृ॒तम् ।
स॒मानम्॑ के॒तुम् । के॒तुम्॑ प्र॒तिमु॒ञ्च॑मा॒नाः । प्र॒तिमु॒ञ्च॑मा॒ना इति॑
प्र॒ति - मु॒ञ्च॑मा॒नाः ॥ 22 (50/55)

T.S.4.3.11.3 - Kramam

ऋ॒तूँ स्त॒न्वते॑ । त॒न्वते॑ क॒वयः॑ । क॒वयः॑ प्र॒जा॒न॒तीः । प्र॒जा॒न॒तीर्
म॒द्ध्ये॑छ॒न्दसः॑ । प्र॒जा॒न॒तीरि॑ति॒ प्र - जा॒न॒तीः । म॒द्ध्ये॑छ॒न्दसः॑ परि॑ ।
म॒द्ध्ये॑छ॒न्दस॑ इति॒ म॒द्ध्ये॑-छ॒न्दसः॑ । परि॑ य॒न्ति॑ । य॒न्ति॑ भा॒स्व॒तीः ।
भा॒स्व॒तीरि॑ति॒ भा॒स्व॒तीः ॥ ज्यो॑ति॒ष्म॒ती प्र॒ति । प्र॒ति मु॒ञ्च॑ते । मु॒ञ्च॑ते
न॒भः । न॒भो रा॒त्री । रा॒त्री दे॒वी । दे॒वी सूर्य॑स्य । सूर्य॑स्य व्र॒तानि॑ ।
व्र॒तानी॑ति॒ व्र॒तानि॑ ॥ वि प॑श्य॒न्ति । प॑श्य॒न्ति प॑श॒वः । प॑श॒वो
जा॒य॒मा॒नाः । जा॒य॒मा॒ना ना॒ना॒रूपाः॑ । ना॒ना॒रूपा॑ मा॒तुः । ना॒ना॒रूपा॑ इति॒
ना॒ना - रू॒पाः । मा॒तु॒र॒स्याः । अ॒स्या उप॑स्थे॑ । उप॑स्थ इत्युप॑-स्थे ॥
ए॒का॒ष्ट॒का त॑पसा । ए॒का॒ष्ट॒केत्ये॑क - अ॒ष्ट॒का । त॑पसा त॒प्य॒मा॒ना ।
त॒प्य॒मा॒ना ज॒जान॑ । ज॒जान॑ गर्भ॑म् । गर्भ॑म् म॒हि॒मा॒नम् ॥
म॒हि॒मा॒नमि॑न्द्रम् ॥ इन्द्र॑मितीन्द्रम् ॥ तेन॑ द॒स्युन् । द॒स्युन्॒ वि ।

व्यसहन्त । असहन्त देवाः । देवा हन्ता । हन्ताऽसुराणाम् ।
 असुराणामभवत् । अभवच्छचीभिः । शचीभिरिति शचि – भिः ॥
 अनानुजामनुजाम् । अनानुजामित्यनानु – जाम् । अनुजाम् माम् ।
 अनुजामित्यनु – जाम् । मामकर्त । अकर्त सत्यम् । सत्यं वदन्ती ।
 वदन्त्यनु । अन्विच्छे । इच्छ एतत् । एतदित्येतत् ॥

भूयासमस्य । 23 (50/56)

T.S.4.3.11.4 - Kramam

अस्य सुमतौ । सुमतौ यथा ॥ सुमताविति सु – मतौ । यथा यूयम् ।
 यूयमन्या । अन्या वः । वो अन्याम् । अन्यामति । अति मा । मा प्र ।
 प्र युक्त । युक्तेति युक्त ॥ अभून् मम । मम सुमतौ । सुमतौ
 विश्ववेदाः । सुमताविति सु – मतौ । विश्ववेदा आष्ट । विश्ववेदा
 इति विश्व – वेदाः । आष्ट प्रतिष्ठाम् । प्रतिष्ठामविदत् । प्रतिष्ठामिति
 प्रति – स्थाम् । अविदद्धि । हि गाधम् । गाधमिति गाधम् ॥
 भूयासमस्य । अस्य सुमतौ । सुमतौ यथा ॥ सुमताविति सु-मतौ ।
 यथा यूयम् । यूयमन्या । अन्या वः । वो अन्याम् । अन्यामति ।
 अति मा । मा प्र । प्र युक्त । युक्तेति युक्त ॥ पञ्च व्युष्टीः । व्युष्टीरनु ।

व्युष्टीरिति वि - उष्टीः । अनु पञ्च । पञ्च दोहाः । दोहा गाम् ।
 गाम् पञ्चनाम्नीम् । पञ्चनाम्नीमृतवः । पञ्चनाम्नीमिति
 पञ्च - नाम्नीम् । ऋतवोऽनु । अनु पञ्च । पञ्चेति पञ्च ॥ पञ्च
 दिशः । दिशः पञ्चदशेन । पञ्चदशेन क्लृप्ताः । पञ्चदशेनेति
 पञ्च - दशेन । क्लृप्ताः समानमूर्द्धनीः । समानमूर्द्धनीरभि ।
 समानमूर्द्धनीरिति समान-मूर्द्धनीः । अभि लोकम् । लोकमेकम् ।
 एकमित्येकम् ॥ 24 (50/59)

T.S.4.3.11.5 - Kramam

ऋतस्य गर्भः । गर्भः प्रथमा । प्रथमा व्यूषुषी । व्यूषुष्यपाम् ।
 व्यूषुषीति वि - ऊषुषी । अपामेका । एका महिमानम् । महिमानम्
 बिभर्ति । बिभर्तीति बिभर्ति ॥ सूर्यस्यैका । एका चरति ।
 चरति निष्कृतेषु । निष्कृतेषु घर्मस्य । निष्कृतेष्विति निः - कृतेषु ।
 घर्मस्यैका । एका सविता । सवितैकाम् । एकाम् नि ।
 नि यच्छति । यच्छतीति यच्छति ॥ या प्रथमा । प्रथमा व्यौच्छत् ।
 व्यौच्छत् सा । व्यौच्छदिति वि - औच्छत् । सा धेनुः । धेनुरभवत् ।
 अभवद् यमे । यम इति यमे ॥ सा नः । नः पयस्वती ।

चतुर्थ काण्डे - तृतीयः प्रश्नः - (TS 4.3)

पयस्वती धुक्ष्व । धुक्ष्वोत्तरामुत्तराम् । उत्तरामुत्तरा॑ समाम् ॥
 उत्तरामुत्तरामित्युत्तराम् - उत्तराम् । समामिति॑ समाम् ॥ शुक्रर्षभा
 नभसा । शुक्रर्षभेति॑ शुक्र-ऋषभा । नभसा॑ ज्योतिषा । ज्योतिषा ।
 आऽगात् ॥ अगाद् विश्वरूपा । विश्वरूपा शबलीः । विश्वरूपेति॑
 विश्व - रूपा । शबलीरग्निकेतुः । अग्निकेतुरित्यग्नि - केतुः ॥
 समानमर्थम् ॥ अर्थ॑ स्वपस्यमाना । स्वपस्यमाना बिभ्रती ।
 स्वपस्यमानेति॑ सु - अपस्यमाना । बिभ्रती जराम् । जरामजरे ।
 अजर उषः । उष आ । आऽगाः । अगा इत्यगाः ॥ ऋतूनाम्
 पत्नी () । पत्नी प्रथमा । प्रथमेयम् । इयमा । आऽगात् । अगादहाम् ॥
 अहाम् नेत्री । नेत्री जनित्री । जनित्री प्रजानाम् ॥ प्रजानामिति॑
 प्र-जानाम् ॥ एका सती । सती बहुधा । बहुधोषः । बहुधेति॑
 बहु-धा । उषो वि । व्युच्छसि । उच्छस्यजीर्णा । अजीर्णा त्वम् ।
 त्वम् जरयसि । जरयसि सर्वम् । सर्वमन्यत् । अन्यदित्यन्यत् ॥ 25

(69/77) (ऊर्जमेका॑ - प्रतिमुञ्चमाना - भूयास - मेकं - पत्न्ये
 कान्न वि॑शतिश्च) (A11)

T.S.4.3.12.1 - Kramam

अग्ने॑ जा॒तान् । जा॒तान् प्र । प्र णु॑द । नु॒दा॒ नः । नः स॒प॒त्नान् ।
स॒प॒त्नान् प्र॑ति । प्र॒त्यजा॑तान् । अजा॑तान् जा॒तवे॑दः । जा॒तवे॑दो नु॒दस्व॑ ।
जा॒तवे॑द इति॑ जा॒त - वे॑दः । नु॒दस्वे॑ति नु॒दस्व॑ ॥ अ॒स्मे दी॑दिहि ।
अ॒स्मे इत्य॑स्मे । दी॒दिहि॑ सु॒मनाः॑ । सु॒मना॑ अहे॑डन् । सु॒मना॑ इति॑
सु - म॑नाः । अहे॑डन् तव॑ । तव॑ स्याम् । स्या॑ शर्म॑न् ।
शर्म॑न् त्रि॒वरू॑थः । त्रि॒वरू॑थ उ॒द्भित् । त्रि॒वरू॑थ इति॑ त्रि - व॑रूथः ।
उ॒द्भिदि॑त्युत् - भित् ॥ सह॑सा जा॒तान् । जा॒तान् प्र । प्र णु॑द ।
नु॒दा॒ नः । नः स॒प॒त्नान् । स॒प॒त्नान् प्र॑ति । प्र॒त्यजा॑तान् । अजा॑तान्
जा॒तवे॑दः । जा॒तवे॑दो नु॒दस्व॑ । जा॒तवे॑द इति॑ जा॒त - वे॑दः ।
नु॒दस्वे॑ति नु॒दस्व॑ ॥ अधि॑ नः । नो ब्रू॑हि । ब्रू॑हि सु॒मन॑स्य॒मानः॑ ।
सु॒मन॑स्य॒मानो व॑यम् । सु॒मन॑स्य॒मान इति॑ सु - म॑नस्य॒मानः॑ ।
वय॑ स्या॑म । स्या॑म प्र । प्र णु॑द । नु॒दा॒ नः । नः स॒प॒त्नान् ।
स॒प॒त्नानि॑ति स॒प॒त्नान् ॥ च॒तुश्च॑त्वारि॒ंशः॑ स्तो॒मः । च॒तुश्च॑त्वारि॒ंश
इति॑ च॒तुः - च॑त्वारि॒ंशः॑ । स्तो॒मो वर्चः॑ । वर्चो॑ द्र॒विण॑म् ।
द्र॒विण॑ षोड॒शः॑ । षोड॒शः॑ स्तो॒मः । स्तो॒म ओजः॑ ।

ओ॒जो॒ द्र॒वि॒णम् । द्र॒वि॒णम् पृ॒थि॒व्याः । पृ॒थि॒व्याः पु॒री॒षम् ।

पु॒री॒षम॑सि । अ॒स्य॑प्सः । 26 (50/57)

T.S.4.3.12.2 - Kramam

अ॒प्सो॒ नाम॑ । ना॒मेति॑ नाम ॥ ए॒व॒ ऽछ॒न्दः॑ । छ॒न्दो॒ वरि॑वः ।

व॒रि॒व॒ ऽछ॒न्दः॑ । छ॒न्दः॑ श॒म्भूः॑ । श॒म्भू॒ ऽछ॒न्दः॑ । श॒म्भूरि॑ति

श॒म् – भूः॑ । छ॒न्दः॑ प॒रि॒भूः॑ । प॒रि॒भू॒ ऽछ॒न्दः॑ । प॒रि॒भूरि॑ति प॒रि–भूः॑ ।

छ॒न्द॑ आ॒च्छत् । आ॒च्छ॒च्छ॒न्दः॑ । छ॒न्दो॒ मनः॑ । म॒न॒ ऽछ॒न्दः॑ ।

छ॒न्दो॒ व्य॒चः॑ । व्य॒च॒ ऽछ॒न्दः॑ । छ॒न्दः॑ सि॒न्धुः॑ । सि॒न्धु॒ ऽछ॒न्दः॑ ।

छ॒न्दः॑ स॒मु॒द्रम् । स॒मु॒द्रम् छ॒न्दः॑ । छ॒न्दः॑ स॒लि॒लम् । स॒लि॒लम्

छ॒न्दः॑ । छ॒न्दः॑ स॒म्य॑त् । स॒म्य॑च्छ॒न्दः॑ । स॒म्य॑दिति॑ स॒म् – यत् ।

छ॒न्दो॒ वि॒यत् । वि॒य॒च्छ॒न्दः॑ । वि॒य॒दिति॑ वि – यत् । छ॒न्दो॒ बृ॒हत् ।

बृ॒ह॒च्छ॒न्दः॑ । छ॒न्दो॒ रथ॑न्तरम् । रथ॑न्तरम् छ॒न्दः॑ । रथ॑न्तरमि॒ति

रथ॑म् – त॒रम् । छ॒न्दो॒ नि॒का॒यः॑ । नि॒का॒य॒ ऽछ॒न्दः॑ । नि॒का॒य॒ इति॑

नि – का॒यः॑ । छ॒न्दो॒ वि॒वधः॑ । वि॒वध॒ ऽछ॒न्दः॑ । वि॒वध॒ इति॑

वि – व॒धः॑ । छ॒न्दो॒ गि॒रः॑ । गि॒र॒ ऽछ॒न्दः॑ । छ॒न्दो॒ भ्र॒जः॑ ।

भ्रज॑ ऽछन्दः॑ । छन्दः॑ स॒ष्टुप् । स॒ष्टुप् छन्दः॑ । स॒ष्टुबि॑ति स - स्तुप् ।
 छन्दो॑ऽनु॒ष्टुप् । अ॒नु॒ष्टुप् छन्दः॑ । अ॒नु॒ष्टुबि॑त्यनु-स्तुप् । छन्दः॑ क॒कुत् ।
 क॒कुच्छन्दः॑ । छन्द॑स्त्रिक॒कुत् । त्रि॒क॒कुच्छन्दः॑ । त्रि॒क॒कुदि॑ति
 त्रि - क॒कुत् । छन्दः॑ का॒व्यम् । का॒व्यम् छन्दः॑ । छन्दो॑ऽङ्कु॒पम् ।
 अ॒ङ्कु॒पम् छन्दः॑ () । छन्दः॑ प॒दप॑ङ्क्तिः । 27 (50/60)

T.S.4.3.12.3 - Kramam

प॒दप॑ङ्क्ति॒ ऽछन्दः॑ । प॒दप॑ङ्क्तिरि॒ति प॒द - प॑ङ्क्तिः ।
 छन्दो॑ऽक्षर॑पङ्क्तिः । अ॒क्षर॑पङ्क्ति॒ ऽछन्दः॑ ।
 अ॒क्षर॑पङ्क्तिरि॒त्यक्षर॑ - प॒ङ्क्तिः॑ । छन्दो॑ वि॒ष्टार॑पङ्क्तिः ।
 वि॒ष्टार॑पङ्क्ति॒ ऽछन्दः॑ । वि॒ष्टार॑पङ्क्तिरि॒ति वि॒ष्टार - प॑ङ्क्तिः ।
 छन्दः॑ क्षु॒रः । क्षु॒रो भृ॒ज्वान् । भृ॒ज्वान् छन्दः॑ । छन्दः॑ प्र॒च्छत् ।
 प्र॒च्छच्छन्दः॑ । छन्दः॑ प॒क्षः । प॒क्ष ऽछन्दः॑ । छन्द॑ ए॒वः । ए॒व ऽछन्दः॑ ।
 छन्दो॑ वरि॒वः । वरि॒व ऽछन्दः॑ । छन्दो॑ वयः॑ । वय॑ ऽछन्दः॑ ।
 छन्दो॑ वय॒स्कृत् । वय॒स्कृच्छन्दः॑ । वय॒स्कृदि॑ति वयः॑ - कृत् ।
 छन्दो॑ विशा॒लम् । विशा॒लम् छन्दः॑ । विशा॒लमि॑ति वि - शा॒लम् ।
 छन्दो॑ वि॒ष्वर्द्धाः॑ । वि॒ष्वर्द्धा॑ ऽछन्दः॑ । वि॒ष्वर्द्धा॑ इति वि - स्प॒र्द्धाः॑ ।

छन्द॑ ऽछ॒दिः । छ॒दि॑ ऽछन्दः॑ । छन्दो॑ दू॒रोह॑णम् । दू॒रोह॑णम् छन्दः॑ ।

दू॒रोह॑णमि॒ति दुः - रो॒हण॑म् । छन्द॑स्तन्द्रम् । तन्द्रम्॑ छन्दः॑ ।

छन्दो॑ऽङ्काङ्कम् । अ॒ङ्काङ्क॑म् छन्दः॑ ।

छन्द॑ इति॒ छन्दः॑ ॥ 28 (33/40)

(अस्य॑ - इ॒क्रुप॑ञ्छन्द - स्त्रय॑स्त्रि॒शच्च॑) (A12)

T.S.4.3.13.1 - Kramam

अ॒ग्निर् वृ॒त्राणि॑ । वृ॒त्राणि॑ जङ्घनत् । जङ्घ॑नद् द्रवि॒णस्युः॑ ।

द्रवि॒णस्युर् वि॒पन्यया॑ । वि॒पन्यये॑ति वि - प॒न्यया॑ ॥ समि॑द्धः शु॒क्रः ।

समि॑द्ध इति॒ सम् - इ॒द्धः । शु॒क्र आहु॑तः । आहु॑त इत्या - हु॒तः ॥

त्वञ् सो॑म । सो॒मासि॑ । अ॒सि स॑त्पतिः । स॑त्पति॒स्त्वम् ।

स॑त्पति॒रिति॒ सत् - प॒तिः । त्वञ् राजा॑ । राजो॑त । उ॒त वृ॑त्रहा ।

वृ॒त्रहे॑ति वृ॒त्र - हा ॥ त्वम् भ॒द्रः । भ॒द्रो अ॑सि । अ॒सि क्र॑तुः ।

क्र॑तुरिति॒ क्रतुः॑ ॥ भ॒द्रा ते॑ । ते अ॒ग्ने । अ॒ग्ने स्व॑नीक । स्व॑नीक

स॒न्दृक् । स्व॑नीकेति॒ सु - अ॒नीक॑ । स॒न्दृग् घोर॑स्य । स॒न्दृगि॑ति

सम् - दृक् । घोर॑स्य स॒तः । स॒तो वि॑षुणस्य । वि॑षुणस्य चारुः॑ ।

चारु॑रिति॒ चारुः॑ ॥ न यत् । यत् ते॑ । ते शो॑चिः । शो॑चिस्तमसा ।

तम॒सा॒ वर॑न्त । वर॑न्त न । न ध्व॒स्मानः॑ । ध्व॒स्मान॑स्तनु॒वि ।
तनु॒वि रे॑पः । रे॒प आ । आ धुः॑ । धु॒रिति॑ धुः ॥ भ॒द्रम् ते॑ । ते अ॒ग्ने ।
अ॒ग्ने स॒हसि॑न् । स॒हसि॑न्ननी॒कम् । अनी॑कमुपा॒के । उ॒पाक॑ आ ।
आ रो॑चते । रो॒चते॑ सूर्य॒स्य । सूर्य॑स्येति॒ सूर्य॑स्य ॥ 29 (50/54)

T.S.4.3.13.2 - Kramam

रु॒शद् दृ॒शे । दृ॒शे द॑दृ॒शे । द॒दृ॒शे न॒क्तया॑ । न॒क्तया॑ चि॒त् ।
चि॒दरू॑क्षितम् । अरू॑क्षितम् दृ॒शे । दृ॒श आ । आ रू॒पे । रू॒पे अ॒न्नम् ।
अ॒न्नमि॒त्यन्न॑म् ॥ सै॒ना । ए॒नाऽनी॑केन । अनी॑केन सु॒वि॒दत्रः॑ । सु॒वि॒दत्रो॑
अ॒स्मे । सु॒वि॒दत्र॑ इति॒ सु – वि॒दत्रः॑ । अ॒स्मे य॑ष्टा । अ॒स्मे इ॒त्यस्मे॑ ।
य॑ष्टा दे॒वान् । दे॒वाꣳ आ॑यजिष्ठः । आ॑यजिष्ठः स्व॒स्ति । आ॑यजिष्ठ
इ॒त्या – य॑जिष्ठः । स्व॒स्तीति॑ स्व॒स्ति ॥ अ॒द॒ब्धो गो॑पाः । गो॑पा उ॒त ।
गो॑पा इति॒ गो – पाः॑ । उ॒त नः॑ । नः॑ प॒रस्याः॑ । प॒रस्या॑ अ॒ग्ने ।
प॒रस्या॑ इति॒ परः – पाः॑ । अ॒ग्ने द्यु॑मत् । द्यु॑मदु॒त । द्यु॑मदि॒ति
द्यु – मत् । उ॒त रे॒वत् । रे॒वद् दि॑दीहि । दि॒दी॒हीति॑ दि॒दीहि ॥
स्व॒स्ति नः॑ । नो॑ दि॒वः । दि॒वो अ॒ग्ने । अ॒ग्ने पृ॑थि॒व्याः ।
पृ॑थि॒व्या वि॒श्वायुः॑ । वि॒श्वायु॑र् धेहि । वि॒श्वायु॑रिति॒ विश्व॑ – आ॒युः ।

चतुर्थ काण्डे - तृतीयः प्रश्नः - (TS 4.3)

धे॒हि॒ य॒ज॒था॒य॒ । य॒ज॒था॒य॒ दे॒व॒ । दे॒वे॒ति॒ दे॒व॒ ॥ य॒थ् सी॒म॒हि॒ । सी॒म॒हि॒
दि॒वि॒जा॒त॒ । दि॒वि॒जा॒त॒ प्र॒श॒स्त॒म् । दि॒वि॒जा॒ते॒ति॒ दि॒वि॒ - जा॒त॒ ।
प्र॒श॒स्त॒म् तत् । प्र॒श॒स्त॒मि॒ति॒ प्र - श॒स्त॒म् । तद॒स्मा॒सु॒ । अ॒स्मा॒सु॒
द्र॒वि॒ण॒म् । द्र॒वि॒ण॒म् धे॒हि॒ । धे॒हि॒ चि॒त्र॒म् । चि॒त्र॒मि॒ति॒ चि॒त्र॒म् ॥
य॒था॒ हो॒तः॒ । हो॒त॒र् म॒नु॒षः॒ । म॒नु॒षो॒ दे॒व॒ता॒ता ॥ 30 (50/59)

T.S.4.3.13.3 - Kramam

दे॒व॒ता॒ता॒ य॒ज्ञे॒भिः॒ । दे॒व॒ता॒ते॒ति॒ दे॒व - ता॒ता॒ । य॒ज्ञे॒भिः॒ सू॒नो॒ । सू॒नो॒
स॒ह॒सः॒ । सू॒नो॒ इति॒ सू॒नो॒ । स॒ह॒सो॒ य॒जा॒सि॒ । य॒जा॒सी॒ति॒ य॒जा॒सि॒ ॥
ए॒वा॒ नः॒ । नो॒ अ॒द्य॒ । अ॒द्य॒ स॒म॒ना॒ । स॒म॒ना॒ स॒मा॒ना॒न् । स॒मा॒ना॒नु॒श॒न् ।
उ॒श॒न्न॒ग्ने॒ । अ॒ग्न॒ उ॒श॒तः॒ । उ॒श॒तो॒ य॒क्षि॒ । य॒क्षि॒ दे॒वा॒न् । दे॒वा॒नि॒ति॒
दे॒वा॒न् ॥ अ॒ग्नि॒मी॒डे॒ । ई॒डे॒ पु॒रो॒हि॒त॒म् । पु॒रो॒हि॒तं॑ य॒ज्ञ॒स्य॑ ।
पु॒रो॒हि॒त॒मि॒ति॒ पु॒रः - हि॒त॒म् । य॒ज्ञ॒स्य॑ दे॒व॒म् । दे॒व॒मृ॒त्वि॒ज॒म् ॥
ऋ॒त्वि॒ज॒मि॒त्यृ॒त्वि॒ज॒म् ॥ हो॒ता॒र॒ र॒त्न॒धा॒त॒म॒म् । र॒त्न॒धा॒त॒म॒मि॒ति॒
र॒त्न - धा॒त॒म॒म् ॥ वृ॒षा॒ सो॒म॒ । सो॒म॒ द्यु॒मा॒न् । द्यु॒मा॒न् अ॒सि॒ ।
द्यु॒मा॒नि॒ति॒ द्यु - मा॒न् । अ॒सि॒ वृ॒षा॒ ॥ वृ॒षा॒ दे॒व॒ । दे॒व॒ वृ॒ष॒व॒र॒तः॒ ।

वृष॑व्रत॒ इति॑ वृष॑ - व्रतः॑ ॥ वृषा॑ धर्मा॑णि । धर्मा॑णि दधि॑षे । दधि॑ष
इति॑ दधि॑षे ॥ सान्त॑पना इ॒दम् । सान्त॑पना इति॑ साम् - तप॑नाः ।
इद॑ ह॒विः । ह॒विर् मरु॑तः । मरु॑तस्तत् । तज् जु॑जुष्टन ।
जु॒जुष्ट॒नेति॑ जु॒जुष्ट॒न ॥ यु॒ष्माको॑ती । ऊ॒ती रि॑शादसः । रि॒शाद॒स इति॑
रि॒श - अ॒दसः॑ ॥ यो नः॑ । नो॒ मर्तः॑ । मर्तो॑ वसवः । व॒सवो
दुर्ह॒णायुः॑ । दुर्ह॒णायु॑स्तिरः । दुर्ह॒णायु॑रिति॑ दुः - ह॒णायुः॑ ।
तिरः॑ स॒त्यानि॑ । स॒त्यानि॑ मरु॑तः । मरु॑तो जिघा॑सात् ॥ 31 (50/56)

T.S.4.3.13.4 - Kramam

जिघा॑सादिति॑ जिघा॑सात् ॥ द्रु॑हः पाश॑म् । पाश॑म् प्रति॑ ।
प्रति॑ सः । स मु॑चीष्ट । मु॑चीष्ट तपि॑ष्ठेन । तपि॑ष्ठेन तप॑सा ।
तप॑सा ह॒न्तन॑ । ह॒न्तना॑ तम् । तमि॑ति तम् ॥ स॒म्व॑थ्सरीणा॑ मरु॑तः ।
स॒म्व॑थ्सरीणा॑ इति॑ सम् - व॒थ्सरी॑णाः । मरु॑तः स्व॒र्काः ।
स्व॒र्का उ॒रुक्ष॑याः । स्व॒र्का इति॑ सु - अ॒र्काः । उ॒रुक्ष॑याः सग॑णाः ।
उ॒रुक्ष॑या इत्यु॑रु - क्ष॑याः । सग॑णा मानु॑षेषु । सग॑णा इति॑
स - ग॑णाः । मानु॑षेष्विति॑ मानु॑षेषु ॥ ते॑ऽस्मत् । अ॒स्मत् पाशा॑न् ।
पाशा॑न् प्र । प्र मु॑ञ्चन्तु । मु॑ञ्चन्त्व॒हसः॑ । अ॒हसः॑ सान्त॑पनाः ।

सान्तप॒ना म॒दिराः । सान्तप॒ना इति॑ साम् – तप॒नाः । म॒दिरा
मादयि॒ष्णवः॑ । मादयि॒ष्णव इति॑ मादयि॒ष्णवः॑ ॥ पि॒प्रीहि॑ दे॒वान् ।
दे॒वाꣳ उ॒शतः॑ । उ॒शतो॑ यवि॒ष्ठ । यवि॒ष्ठ वि॒द्वान् । वि॒द्वान् ऋ॒तून् ।
ऋ॒तूꣳर्, ऋ॒तुप॑ते । ऋ॒तुप॑ते यज । ऋ॒तुप॑त इत्यृ॒तु – प॑ते । यजे॒ह ।
इहे॒तीह॑ ॥ ये दै॒व्याः॑ । दै॒व्या ऋ॒त्विजः॑ । ऋ॒त्विज॑स्तेभिः । तेभि॑रग्ने ।
अग्ने॑ त्वम् । त्वꣳ होतृ॑णाम् । होतृ॑णामसि । अस्याय॑जिष्ठः ।
आय॑जिष्ठ इत्या – यजि॒ष्ठः॑ ॥ अग्ने॑ यत् । यद॒द्य । अ॒द्य वि॒शः ।
वि॒शो अ॒ध्वर॑स्य । अ॒ध्वर॑स्य हो॒तः । हो॒तः पा॒वक॑ ।
पा॒वक॑ शो॒चे ॥ 32 (50/56)

T.S.4.3.13.5 - Kramam

शो॒चे वेः॑ । वेष्ट्व॑म् । त्वꣳ हि । हि यज्वा॑ । यज्वेति॑ यज्वा॑ ॥
ऋ॒ता यजा॑सि । यजा॑सि म॒हिना॑ । म॒हिना॑ वि । वि यत् । यद् भूः ।
भूर्, ह॒व्या । ह॒व्या वह॑ । वह॑ यवि॒ष्ठ । यवि॒ष्ठ या । या ते॑ । ते अ॒द्य ।
अद्ये॒त्यद्य॑ ॥ अ॒ग्निना॑ रयि॒म् । रयि॑मश्जवत् । अश्ज॑वत् पोष॒म् ।
पोष॑मेव । ए॒व दि॒वेदि॑वे । दि॒वेदि॑व इति॑ दि॒वे – दि॒वे ॥
यश॑सम् वी॒रव॑त्तमम् । वी॒रव॑त्तममि॒ति वी॒रव॑त् – त॒मम् ॥

ग॒य॒स्फा॒नो॑ अ॒मी॒व॒हा॑ । ग॒य॒स्फा॒न॒ इति॑ ग॒य॒ - स्फा॒नः॑ । अ॒मी॒व॒हा॑
 व॒सु॒वित् । अ॒मी॒व॒हे॒त्य॒मी॒व॑ - हा॑ । व॒सु॒वित् पु॒ष्टि॒वर्द्ध॑नः । व॒सु॒वि॒दिति॑
 व॒सु॒ - वि॒त् । पु॒ष्टि॒वर्द्ध॑न॒ इति॑ पु॒ष्टि॒ - वर्द्ध॑नः ॥ सु॒मि॒त्रः सो॒म॑ ।
 सु॒मि॒त्र॒ इति॑ सु॒ - मि॒त्रः॑ । सो॒म॒ नः॑ । नो॒ भ॒व॑ । भ॒वेति॑ भ॒व॑ ॥
 गृ॒ह॒मे॒धा॒स॒ आ॑ । गृ॒ह॒मे॒धा॒स॒ इति॑ गृ॒ह॒ - मे॒धा॒सः॑ । आ॑ ग॒त॑ ।
 ग॒त॒ म॒रु॒तः॑ । म॒रु॒तो॒ मा॑ । मा॒ऽप॑ । अ॒प॒ भू॒त॒न॑ । भू॒त॒नेति॑ भू॒त॒न॑ ॥
 प्र॒मु॒ञ्च॒न्तो॑ नः । प्र॒मु॒ञ्च॒न्त॒ इति॑ प्र॒ - मु॒ञ्च॒न्तः॑ । नो॒ अ॒ह॒सः॑ ।
 अ॒ह॒स॒ इत्य॑ह॒सः॑ ॥ पू॒र्वी॒भिर्॒ हि॑ । हि॑ द॒दा॒शि॒म॑ ।
 द॒दा॒शि॒म॒ श॒र॒द्धिः॑ । श॒र॒द्धि॒र् म॒रु॒तः॑ । श॒र॒द्धि॒रिति॑ श॒र॒त् - भिः॑ ।
 म॒रु॒तो॒ व॒य॒म् । व॒य॒मिति॑ व॒य॒म् ॥ म॒हो॒भि॒श्च॒र्ष॒णी॒नाम्॑ ।
 म॒हो॒भि॒रिति॑ म॒हः॑ - भिः॑ ॥ 33 (50/58)

T.S.4.3.13.6 - Kramam

च॒र्ष॒णी॒ना॒मिति॑ च॒र्ष॒णी॒नाम्॑ ॥ प्र॒ बु॒ध्निया॑ ॥ बु॒ध्निया॑ ई॒र॒ते॑ ।
 ई॒र॒ते॑ वः । वो॒ म॒हा॒सि॑ । म॒हा॒सि॑ प्र॒ । प्र॒ णा॒मा॒नि॑ । ना॒मा॒नि॑
 प्र॒य॒ज्य॒वः॑ । प्र॒य॒ज्य॒व॒स्ति॒र॒ध्व॒म् । प्र॒य॒ज्य॒व॒ इति॑ प्र॒ - य॒ज्य॒वः॑ ।
 ति॒र॒ध्व॒मिति॑ ति॒र॒ध्व॒म् ॥ स॒ह॒स्रि॒य॒म् द॒म्य॒म् । द॒म्य॒म् भा॒ग॒म् ।

चतुर्थ काण्डे - तृतीयः प्रश्नः - (TS 4.3)

भा॒गमे॒तम् । ए॒तम् गृ॒हमे॒धीय॑म् । गृ॒हमे॒धीय॑म् मरु॒तः । गृ॒हमे॒धीय॑मि॒ति
 गृ॒ह - मे॒धीय॑म् । मरु॒तो जु॒षद्ध्व॑म् । जु॒षद्ध्व॑मि॒ति जु॒षध्व॑म् ॥
 उप॒ यम् । यमे॑ति । ए॒ति यु॒वतिः॑ । यु॒वतिः॑ सु॒दक्ष॑म् । सु॒दक्ष॑म् दो॒षा ।
 सु॒दक्ष॑मि॒ति सु - दक्ष॑म् । दो॒षा वस्तोः॑ । वस्तो॑र् ह॒विष्म॑ती ।
 ह॒विष्म॑ती घृ॒ताची॑ । घृ॒ताची॑ति॒ घृ॒ताची॑ ॥ उप॒ स्वा । स्वै॑नम् ।
 ए॒नम॑र॒मतिः॑ । अ॒रम॑ति॒र् वसू॑युः । व॒सू॒युरि॑ति॒ वसु॑-युः ॥ इ॒मो अ॑ग्ने ।
 इ॒मो इ॒तीमो॑ । अ॒ग्ने वी॒तत॑मानि । वी॒तत॑मानि ह॒व्या । वी॒तत॑मा॒नीति॑
 वी॒त - त॑मा॒नि । ह॒व्याऽज॑स्रः । अ॒जस्रो॑ व॒क्षि । व॒क्षि दे॒वता॑तिम् ।
 दे॒वता॑ति॒मच्छ॑ । दे॒वता॑ति॒मिति॑ दे॒व - ता॑तिम् । अ॒च्छे॒त्यच्छ॑ ॥
 प्र॒ति नः॑ । न॒ ई॒म् । ई॒ञ् सुर॑भीणि । सुर॑भीणि॒ विय॑न्तु । विय॑न्त्विति॒
 विय॑न्तु ॥ क्री॒डं वः॑ । वः श॒र्द्धः॑ । श॒र्द्धो मारु॑तम् । मारु॑तम॒नर्वा॑णम् ।
 अ॒नर्वा॑णञ् रथे॒शुभ॑म् । रथे॒शुभ॑मि॒ति रथे॑ - शु॒भम् ॥ 34 (50/56)

T.S.4.3.13.7 - Kramam

क॒ण्वा अ॒भि । अ॒भि प्र॑ । प्र॒ गाय॑त । गा॒यते॑ति॒ गाय॑त ॥ अ॒त्यासो॑ न ।
 न॒ ये । ये मरु॑तः । मरु॑तः स्व॒ञ्चः॑ । स्व॒ञ्चो॑ य॒क्षदृ॑शः ।
 य॒क्षदृ॑शो न । य॒क्षदृ॑श इति॒ यक्ष॑ - दृ॒शः । न शु॒भय॑न्त ।

शु॒भ॒य॒न्त॒ म॒र्याः॑ । म॒र्या॑ इति॒ म॒र्याः॑ ॥ ते ह॒र्म्ये॒ष्ठाः॑ । ह॒र्म्ये॒ष्ठाः॑
 शि॒श॒वः॑ । ह॒र्म्ये॒ष्ठा इति॑ ह॒र्म्ये॑ - स्थाः । शि॒श॒वो॑ न । न शु॒भ्राः॑ ।
 शु॒भ्रा व॒थ्सा॑सः । व॒थ्सा॑सो न । न प्र॒क्री॒डि॒नः॑ । प्र॒क्री॒डि॒नः॑ प॒यो॒धाः॑ ।
 प्र॒क्री॒डि॒न इति॑ प्र - क्री॒डि॒नः॑ । प॒यो॒धा इति॑ प॒यः॑ - धाः ॥ प्रै॒षाम्॑ ।
 ए॒षाम॑ज्मेषु । अ॒ज्मेषु॑ वि॒थुरा॑ । वि॒थुरे॑व । इ॒व रे॒जते॑ । रे॒जते॑ भूमिः॑ ।
 भूमि॑र् यामेषु । यामेषु॑ यत् । यद्ध । ह॒ यु॒ञ्जते॑ ॥ यु॒ञ्जते॑ शु॒भे ।
 शु॒भ इति॑ शु॒भे ॥ ते क्री॒डयः॑ । क्री॒डयो॑ धु॒नयः॑ । धु॒नयो॑
 भ्राज॑दृष्टयः । भ्राज॑दृष्टयः स्व॒यम् । भ्राज॑दृष्टय इति॒ भ्राज॑त्-ऋ॒ष्टयः॑ ।
 स्व॒यम् म॒हित्वम्॑ । म॒हित्वम्॑ प॒नय॑न्त । म॒हित्व॑मिति॒ म॒हि - त्वम्॑ ।
 प॒नय॑न्त धू॒तयः॑ । धू॒तय॑ इति॒ धू॒तयः॑ ॥ उ॒प॒ह॒रेषु॑ यत् ।
 उ॒प॒ह॒रेष्वि॑त्युप - ह॒रेषु॑ । यद॑चिद्ध्वम् । अ॒चिद्ध्वं॑ य॒यिम्॑ ।
 य॒यिं व॑यः । व॒य इ॒व । इ॒व म॒रुतः॑ । म॒रुतः॑ के॒न () ।
 के॒न चि॑त् । 35 (50/56)

T.S.4.3.13.8 - Kramam

चित् पथा । पथेति पथा ॥ श्रोतन्ति कोशाः ॥ कोशा उप ।
 उप वः । वो रथेषु । रथेष्वा । आ घृतम् । घृतमुक्षत ।
 उक्षता मधुवर्णम् । मधुवर्णमर्चते । मधुवर्णमिति मधु – वर्णम् ।
 अर्चत इत्यर्चते ॥ अग्निमग्निं हवीमभिः ।
 अग्निमित्यग्निम् – अग्निम् । हवीमभिः सदा ॥ हवीमभिरिति
 हवीम – भिः । सदा हवन्त । हवन्त विश्वपतिम् । विश्वपतिमिति
 विश्वपतिम् ॥ हव्यवाहम् पुरुप्रियम् । हव्यवाहमिति हव्य – वाहम् ।
 पुरुप्रियमिति पुरु-प्रियम् ॥ तं हि । हि शश्वन्तः । शश्वन्त ईडते ।
 ईडते सुचा । सुचा देवम् । देवम् घृतश्रुता । घृतश्रुतेति घृत-श्रुता ॥
 अग्निं हव्याय । हव्याय वोढवे । वोढव इति वोढवे ॥ इन्द्राग्नी
 रोचना । इन्द्राग्नी इतीन्द्र – अग्नी । रोचना दिवः । दिवः श्वथत् ।
 श्वथद् वृत्रम् । वृत्रमिन्द्रम् । इन्द्रं वः । वो विश्वतः । विश्वतस्परि ।
 परीन्द्रम् । इन्द्रं नरः । नरो विश्वकर्मन् । विश्वकर्मन् हविषा ।
 विश्वकर्मन्निति विश्व – कर्मन् । हविषा वावृधानः ।

वा॒वृ॒धा॒नो॒ वि॒श्व॑क॒र्मन् । वि॒श्व॑क॒र्मन्॒ ह॒वि॒षा॑ ॥

वि॒श्व॑क॒र्मन्नि॒ति॒ वि॒श्व॑ - क॒र्मन् । ह॒वि॒षा॑ व॒र्द्ध॑नेन ।

व॒र्द्ध॑नेनेति॒ व॒र्द्ध॑नेन ॥ 36 (46/53)

(सूर्य॑स्य - म॒नु॒षो - म॒रु॒तः - पा॒व॒क - म॒हो॑भी - र॒थे॒शु॒भ -
ङ्गे॒न - ष॒ट्च॑त्वारि॒ंश॑च्च) (A13)

चतुर्थ काण्डे – तृतीयः प्रश्नः – (TS 4.3)

Prasna Korvai with starting Padams of 1 to 13 Anuvaakams :-

(अ॒पान्त्वे॑म॒ – न्न॒यं॑ पु॒रो भु॒वः॑ – प्रा॒ची॑ – ध्रु॒व॑क्षि॒ति – स्त्र्य॑वि –
रि॒न्द्रा॑ग्नी॒ – मा छ॑न्द॒ – आ॒शु॒स्त्रि॒वृ – द॒ग्ने॑र्भा॒गो॑ – ऽस्ये॑क॒ –
ये॒यमे॑व सा या – ऽग्ने॑ जा॒ता – न॒ग्नि॑र्वृ॒त्राणि॑ – त्रयो॑दश)

Korvai with starting Padams of 1, 11, 21 Series of Panchaatis :-

(अ॒पान्त्वे॑ – न्द्रा॑ग्नी – इ॒यमे॑व – दे॒वता॑ता – षट्त्रि॑ंशत्)

First and Last Padam of Third Prasnam of Kanda 4 :-

(अ॒पान्त्वे॑मन् – ह॒विषा॑ वर्ध॒नेन॑)

॥ हरिः॑ ओं ॥

॥ इति चतुर्थ काण्डे तृतीयः प्रश्नः – क्रम पाठः समाप्तः ॥

=====

तैत्तिरीय संहिता क्रम पाठे (TS 4.3)

Details of Panchati, Padam and Krama Vaakyam - Kandam 4 Prasanam 3 - TS 4.3

	Panchati	Padams	Krama Vaakyams
Anuvakam 1	1	65	67
Anuvakam 2	3	130	170
Anuvakam 3	2	128	156
Anuvakam 4	3	167	209
Anuvakam 5	1	76	92
Anuvakam 6	2	106	123
Anuvakam 7	2	106	110
Anuvakam 8	1	37	59
Anuvakam 9	2	96	120
Anuvakam 10	3	135	178
Anuvakam 11	5	269	306
Anuvakam 12	3	133	157
Anuvakam 13	8	396	448
Total →	36	1844	2195